


11986



1913

Ն 164

- 20.01
- 20.01

ԳՐԱԴԱՐԱՆ

ՀԱՅ. ՏԿԱԳՐՈՒԹՅԱՆ

400

և

ՏԱՐԵՐԻ ԳԻԼՏԻ

1500

ամեայ

ՅՈՒՆԵՍԿՕ

ՀԻՂԱՍԱԿԱՆ

№ 7

Գրատ. թ. Ա. Գուշովնեանի.

338.1
Դ-50

ՊԵՏք Է—
ՅԵՍՔ Ի—



№ 154.

«Հայոց - Խորհրդ» խորհրդական.

№ 1


ՀՊԸՏ. ԲՓ. Ա. ՅՈՒԳՈՎԵԼԻՔ

№ 1

338-1
Դ-50 մի

ՊԵՏՔ Է

ՎԵՐԱԾԻՆ ՀԱՅԱՍՏԱՆԻ
ամերիանի նույն
ՏԻՄԱՅԻՆ ԱԿԱՐԵԱՆԻՑ
13 ՆՈՅԵՄ. 1918 թ., ԹԻՖԼԻՍ.



ՅԵՏՏԻՒԵԼ

904

(Փոխադրութիւն Ե. Ա.)

1. Ջանապարհորդը. — 2. Պայծառացող խոհեր. — 3. Անհաղթ. — 4. Արհեստաները և հողագործութիւնը. — 5. Արտեմի հիմքը. — 6. Նոր գիւղը. — 7. Գաղթականութիւնը սպանում է. — 8. Նոր տնտեսութիւնը. — 9. Բանջարաբուժութիւն և պարտիզանութիւն. — 10. Բնակարաններ. — 11. Փոխառութիւն. — 12. Հայոց բնակչութեան մակեր.




Տպարան «Հերմէս», Գրաֆիկայի փող. № 6.

1913



46751-սահ

155
39



Ճանապարհորդը.

— Դէհ; տանտէր, ի՞նչքան պէտք է վճարեմ գիշերելու և ընթրիքի համար:

— Այդ ի՞նչ է նշանակում: Ոչինչ հարկաւոր չէ: Մենք մեծ ճանապարհի վրայ չենք ապրում, մեր եկող-գնացողը քիչ է: Էս քանի տարի էր մարդու երես չէինք տեսել մինչև քո գալը. շատ շնորհակալ եմ քեզանից, հօ քեզանով չենք հարստանալու... բայցի դրանից էսօր էլ հասարակ օր չէ, Ծնունդն է... չէ որ մենք էլ քրիստոնեայ ենք: Բայց ի՞նչու ես այսպէս շուտ գնում: Պեռ աքաղաղը մի բերան է խօսել: Լաւ է, մի քիչ սպասէիր, զուցե սայլ է պատահում, մինչև գիւղը գոնէ ոտքով չեիր գնալ...

Սպասեն անօգուտ է. գուցէ և սայլ չպատահի, իսկ մինչև գիւղը 15 վերտա ճանապարհ

է: Ես ուզում եմ շուտ տեղ հասնել. բայց տեսնք ձանապարհը կ'գտնեմ:

— Մի ձանապարհ է, երթևեկողներն էլ երկի բաւականին տրորած կլինեն ձիւնը. քամի էլ չի արել, ճանապարհը նոր ձիւնով լցւած չ'լինի. գիշերն էլ բաւականին լուսնկայ է ու խաղաղ... ճանապարհը հեշտութեամբ կ'ջոկես:

— Շատ շնորհակալ եմ, տանտէր, հիւրասիրութեանդ և սիրալիք ընդունելութեան համար:

— Բարի ճանապարհ. Աստւած քեզ հետեւ տանտէրը հիւրին ճրագով ճանապարհ դըրեց մինչև բակի դուռը:

Ճանապարհորդը ձիւնը ճռճուացնելով անյալտացաւ փողոցի միւս ծայրում: Մի կողմից լուսինն էր իր փայլով երկիրը լուսաւորում, միւս կողմից աստղերն էին պլազում երկնակամարի վրայ: Սառնամանիք էր: Զիւնապատ դաշտը փայլվում էր կանաչ-կարմիր կրակի ճաճանչներով: Ճանապարհի շուրջը պատահող ծառերը ծածկւած էին ձիւնի բիւրեղանման փոշիով:

Ճանապարհորդը յիշեց իր անցեալից նման մի դէպք, երբ իր մօր հետ վաղ առաւտեան եկեղեցի էր գնում: Այդ օրից անցել էր 40 տարի: Ամեն ինչ փոխւել էր: Մայրը վաղուց էր մեռել:

Նա սովորելով գիւղական, ապաքաղաքային դպրոցներում, բոլորովին կտրւել էր գիւղից և գիւղացիութիւնից: Այդ ժամանակամիջոցում նա եղել էր զանագան քաղաքներում ու գործարաններում և վերջին ժամանակներս միայն բախտը

նրան գիւղի ճամբան բռնել տւեց: Կեանքը նըրան շատ էր խաղացըել: Նա ապրել էր թէ հարուստ, թէ միջակ և թէ բոլորովին աղքատ: Նա երբեմն ծառայում էր ուրիշներին, երբեմն ուրիշներն էին իրան ծառայում, երբեմն էլ մնում էր անգործ: Կեանքը նրան մէկ երես էր տալիս, մէկ էլ նեղում մնշում էր: Մի ժամանակ նա փողը շաղ էր տալիս. իսկ մի ուրիշ ժամանակ ոչ գիշերելու տեղ ունէր, ոչ ուտելու հաց: Պատահում էր, որ բարեգործութիւն էր անում ուրիշներին, պատահում էլ էր, երբ ինըն էր բարեգործութիւնից օգտում: Վերջ ի վերջոյն նիւթապէս և ֆիզիքապէս ուժասպառ եղաւ նա և ցանկացաւ հայրենի երկիրը տեսնել:

Քաղցր յիշողութիւնների մէջ խորասուզւած, ճամբորդը չ'նկատեց, թէ ինչպէս թեթև քամին բութի փոխւեց: Երկինքը մթնեց, աստղերը ծածկեցին ամպերի տակ և շուրջը պատեց անթափանց խաւար: Զիւնապատ դաշտը ալեկոծւում ու փոթորկում էր: Չորս կողմը երկում էր միայն սպիտակ տարածութիւն: Ճանապարհը կարծես թէ խոսսափում էր ճամբորդի ոտի տակից: Նա մինչև ծնկները խրում էր ձեան մէջ: Զիւնը ամեն կողմից թափուում էր վրան, ծեծում նրա թիկունքը, կուրծքը և այրում երեսը: Ցուրտը թափանցում էր նրա մարմնի ներսը և սարսուցնում նրան:

«Զլինի թէ ճանապարհը կորցրել եմ, խօսեց ինքն իրան. բայց որպէսպի ճամբորից դուրս չգամ,

միշտ դէպի առաջ կ'գնամ և գուցէ համեմ որևէ գիւղի. պէտք է որ մօտակայքում ինձ ծանօթ մի գիւղ լինի»:

Քամին քանի գնում ուժեղանում էր. ճամբորդի մէջքը սկսեց փետանալ, ոտքերը դռղողում և ծալում էին, շունչը կտրում էր և սաստիկ ցրտից աչքերից քամւող արցունքները խառնում էին ձեան հետ ու սառչում բեխերի ու մօրուքի վրայ:

«Արդեօք մեռնելու համար բախտը ինձ այստեղ բերեց»... մտածեց ճամբորդը և թուլացած ընկաւ մի բլրակի լանջին. «Էստեղ մի փոքր հանգստանամ. երկի գիւղը մօտ է»:

Ճամբորդին այս պառկած տեղը և տաք, և հանգիստ թւաց, շուտով նոյնիսկ բաւական լաւ: Կարծես թէ բոլորովին չէր յոգնել: Նրա մտքերը դառնում էին գիւղի, իւր մօր և երեխայութեան շուրջը... Քամին կարծես թէ հանգստացաւ և ցուրտը մեղմացաւ:

Բայց ահա լսում է ինչո՞ր սահնակի զանգի ձայն:

— Հըռո... էդ ով է, կանչում է մէկը:

Ճամբորդին թւում է, որ նա պատասխանեց, որ նա նստեց սահնակը և գիւղ է գնում: Սահնակի մէջ տաք է, փափուկ է և լաւ...

— Վեր վաց. խոտի տակ տաք է, չէ, ասաց գիւղացին և ցնցեց սահնակում խոտերի մէջ թաղւած ճամբորդին:

— Ի՞նչ, միթէ հասել ենք:

— Ինչպէս չէ... ժամուկէս է գալիս ենք, զեռ չ'համեմնք. ուրեմն դու քննի ես եղել, որ էնքան ճանապարհը չես նկատել: Վերկաց. լսում ես, արդէն պատարագի զանգերը տալիս են: Ճամբորդը ականջ դրաւ. զողանջում էր նոյն զանգը, որը և հնչում էր նրա երեխայութեան օրերին: Զանգահարութիւնը հնչիւն էր, արագ և տօնական:

Ճամբորդը սթափւեց, վեր կացաւ և իրեն բերող գիւղացու օգնութեամբ սահնակից ցած իջաւ:

— Բայց դու գլորւում ես. ինչպէս երկում է լաւ փետացել ես...

Այստեղ միայն ճամբորդը յիշեց, թէ ինչպէս ինքը դաշտում, բլրի մօտ նստեց, մնացածը չէր յիշում, ուստի հարցրեց.

— Ես ինչպէս ես այստեղ հասայ:

— Այ քեզ բան. ինչպէս. երկում է քննած ես եղել: Ես քեզ գտայ բլրի մօտ, հարց ու փորձ արի, իսկ դու ինչ-որ բան վնթվնթացիր: Ծեմայ որ սառչելու վրայ ես, թեիցդ բռնած սահնակի մէջ դրի, պառկեցրի և խոտով ծածկեցի, ու այդպիսով դու այստեղ հասար:

— Կարծի ս քիչ-քիչ յիշում եմ, ասաց ճամբորդը:

— Է՛, հիմա, պատարագին գալու ես, թէ չէ: Լաւ կլինի տիրացուի սենեակը գնաս, մի քիչ տաքանաս:

Գիւղացին տեսնելով ճամբորդի թուկութիւ-

նը, թեկոցը բռնած տարաւ տուն։ Թիշ յետոյ ճամբորդը փոքր ինչ կազդուրւեց և իւր աղատարարի հետ եկեղեցի գնաց։

II

Պայծառացող խոհեր.

Նրանք մտան եկեղեցի և կանգնեցին դռան մօտ։ Ճամբորդը գեռս լաւ չէր կազդուրւել։ Նա իրեն թոյլ էր զգում և խնդրում էր Աստծուն՝ ներել իր յանցանքները, իր սիրաը մաքրել եսատիրութիւնից ու չարութիւնից, մտքերը մաքրել առօրեայ հոգսերից, բոլոր զգացմունքները դարձնել դէպի բարին, ամբացնել կամքը և լուսաւրել միտքը։

Մանօթ երգեցողութեան ազգեցութեան տակ ճամբորդի ալեծուփի հոգին լցւում էր խաղաղութեամբ և անդորրութեամբ։ Նրա ոյժերը կըրկնապատկւում էին, հոգին պայծառանում էր և շրջապատող մարդիկ աւելի հարազատ էին թըւում։ Նա հաւատում էր նոր կեանքի, նոր սիրոյ բոլորի մէջ և ուզում էր աշխատել բոլորի համար—թէ հարազատների և թէ օտարների։

Քահանայի «խաղաղութիւն ամենեցուն»-ի հետ ժողովուրդը գրոհ տւեց դէպի գոները։ Բոլորը շատապում էին ճաշակւել և դիմաւողել թաթախումը իւրայինների հետ միասին։

III

Օտարականը դիտում էր գիւղացիներին, աշխատելով ծանօթներ գտնել նրանց մէջ, բայց ոչ մէկին չէր ձանաչում։

— Ասես թէ բոլորովին ուշքի եկար։ Շնորհաւոր Ծնունդ, մօտենալով նրան ասաց աղատող գիւղացին։

— Շատ շնորհակալ եմ, ձեր Ծնունդն էլ շնորհաւոր լինի։ Թեզ Աստւած ինձ օդնութեան ուղարկեց, եթէ ոչ ես սառած կլինէի։ Ցաւիտեանս չեմ մոռանալ քեզ։ բայց մի ասա, առնունդ ի՞նչ է։

— Գէւոյենց Մկրտիչ են ասում, երբեմն էլ Գէորգեան են կանչում։

— Դու Մուկուչն ես. ուրեմն մենք միասին դպրոցում սովորել ենք և ընկերներ եղել, ուրախ բացականչեց ճամբորդը։

— Այ քեզ հրաշք. ախպէր, դու այստեղացի չես. ես այստեղացիներին բոլորին ճանաչում եմ։ Ախար դու ով ես։

— Ես Վահան Զաքարիեանն եմ, իսկ դըպրոցում ինձ Զաքիենց Վահօ էին կանչում։

— Ճիշտ որ, Վահօ ջան։ Այ դեռ թշիդ վրայի սպին էլ երեսում է, որ ստացար իմ պատճառով Գրիգոր Աւետիսեանի հետ կռւելիս։ Այ,

Նրէս հենց ինքն էլ. Գրիգոր, արի այստեղ: Տես է,
մեր վահան Զաքարեանն է, յիշում ես:

— Տօ էս դռւ ես, Վահան. Էս 40 տարի
է մեր կողմերում չէիր եղել: Լսեցինք, որ դու
ուստացիչ ես, յետոյ, ասացին, մեծ գործի ես
մտել...

— Այո, մեծ գործի էլ եմ մտել... պա-
տասխանեց Վահանը:

— Յետոյ, ասում էին, սկսել ես կոնժարա-
նել, ծառայութիւնից յետ ես մնացել, և մեռել
ես թէ կորել—էլ զբանից յետոյ քո մասին լուր
չստացանք:

— Այն, շատ բան անցաւ գլխովս... Հենց
այսօր քիչ մնաց ճանապարհին մեռնէի. այ, Գէ-
ոյենց Մկրտիչը ազատեց...

— Բա, ազատեցի:—Սահնակով գալիս եմ,
մէկ էլ տեսնեմ մի մարդ ուժասպառ ընկած է
քրիթ վրայ, կարծես թէ իր հօր տանն է: Հազիւ
հազ քաշեցի, սահնակը քցեցի: Ահա բոլորը: Դէ
ես չանէի, մէկ ուրիշը այդ բանը կանէր: Հիմի
ասաւ տեսնենք, դու ժւր ես գնալու: Զեր գիւ-
րում այժմ ձերոնցից ոչ ոք չկայ. գնանք ինձ
մօտ, միասին կճաշակւենք: Այսօր հենց մենակ
էլ եկել եմ. մինչև մեր գիւղը ութը վերստ
ճանապարհ է:

Վահան Զաքարեանը թէն դանդաղում էր,
քայլ Մկրտիչը քաշեց նրա թեփ և տարաւ իրենց
պիսողը:

IV

Ա ն ն ո ղ ը.

Վահան Զաքարեանը երեք օր ապրեց Մկրտչ
մօտ. այդ միջոցին նա բոլոր գիւղացիներին հիւր
եղաւ: Չորրորդ օրը գնաց իւր հայրենի գիւղը:
Գիւղը և շրջակաքը խիստ փոխւել էին. գիւ-
ղը տասը տանից գարձել էր երեսուն տուն: Հա-
րազատ խրճիթի և բակի հետքն անգամ չկարէ
Վահանի. մանկութեան ժամանակւայ ծերերը հա-
մարեա թէ բոլորը մեռել էին: Այժմ կային կամ
նրա հասակակիցները, կամ նրանց որդիները,
որոնք Վահան Զաքարեանի մասին իսկի չէին էլ
լսել:

Վահանը գտաւ երկու ազգականների և պատ-
սպարւեց նրանց մօտ:

Միւս օրը նա գիւղական ժողովում իրեն
յայտարարեց համագիւղացի, ներկայացրեց իթ
փաստաթղթերը և խնդրեց, որ իրեն հող տան
երկրագործութեամբ պարապելու համար:

Ժողովում սաստիկ աղմուկ բարձրացաւ:

— Միթէ դու մեր գիւղացի ես: 40 տա-
րի է այստեղ չես եղել, կեանքումդ մեզ հետ
հարկ չես վճարել, մեր գիւղացիական ոչ մի կա-
րիքին չես մասնակցել: Կարծես թէ երկնքից վեր
ընկար: Ինչի՞ համար պէտք է տան տեղ, Վարե-
լահող, խոտհարք և այն տանք քեզ, ասաց ամ-
բուի: միջից մէկը:

— Տօ, որ քեզ հող էլ տանք, դու ոչ վարելու ես, ոչ էլ ցանելու։ Դու իսկի հողագործի նման չես, այլ թափառականի։ Հողը պիտի ութիշն տաս ցանելու։ Իսկ մեր հողը հենց մեզ շատ անհրաժեշտ է, ասաց մի երկրորդը։

— Արդեօք դու մեր գիւղացի՞ ես. գուցէ ինքնակոչի մէկն ես, կասկած յայտնեց գիւղացիներից մի ուրիշը։

— Ոչ, եղբայրներ. մեղք մի անէք, — նա ինքնակոչ չէ։ Նա իսկապէս Զաքարեաննեցից է, պատասխանեց մի ծեր գիւղացի։

— Ես դրան յիշում եմ. բայց յիշում եմ և այն, որ նա գիւղական վարչութիւնից գրաւոր ազատման համախօսական ուղեց։ Համախօսականը մենք տւեցինք։ Ուրեմն, հիմա նա մեր գիւղացին չէ։

— Որ մեր գիւղացին չէ, ուրեմն հող էլ չի ստանայ։ Ես չորս շունչ եմ, բայց մէկ ու կէս շնչի հող ունեմ, ասաց մի գիւղացի։

— Ի՞նչ էք երկարացնում. մեր վարելահողերը, խոտահարքները շատ քիչ են. քիչ է մնում, որ մենք էլ ուրիշ տեղ գաղթենք, այլ ոչ թէ թափառաշրջիկներին էլ դեռ հող տանք։

Գիւղացիները այսպէս վերաբերւեցին Վահան Զաքարեանի խնդրին։ Վահանը օգտւելով տիրող լուռթիւնից, ասաց։

— Օրէնքով ես ձեր համագիւղացին եմ. ինչպէս ձեր գիւղացի՝ ես խնդրեցի ինձ էլ հող տաք. բայց դուք ինձ չէք տալիս. Թող ձեր ա-

նածը լինի. չեմ վիճում և դատարանով չեմ պահանջի։ Իսկ հողը խնդրեցի, որովհետեւ ցանկանում էի ապրել երկրագործութեամբ, հողով, աշխատանքով. բայց տեսնում եմ, որ չի կարելի...

— Հենց էղպէս էլ լաւ է. ոադ ըլի գըլսներից... լաւեց ամբոխի միջից մի բարկացկոտ ձայն։

— Խնդրում եմ չբարկանաք։ Ներեցէք, որ ձեզ անհանգստացըի։ Բաժանւենք միմեանցից խաղաղութեամբ, ասաց տիրութեամբ Վահանը և մաք բարի ասելով հասարակութեանը, գնաց իր ազգականի մօտ։

Ժողովը վերջանալուց յետոյ մի ծերունի եկաւ Վահանի մօտ և գիւղացիների հող չտալը այսպէս բացատրեց։

— Մեր գիւղի հողը լաւն է. լաւ ապրել կարելի է։ Բոլորն էլ հողը թանգ են գնահատում ու ամեն մէկը ուզում է աւելի ունենալ։ Հողաբաժնութեան ժամանակ ամեն մի կտորի վրայ գլուխ են պատում։ Դու, Վահան, մեր գիւղում երբէք հող ստանալ չես կարող։ Աւելի լաւ է, փորձիր ուրիշ հասարակութիւնների մէջ ստանալ, քան մեզնում։ Հենց մեր գաւառում կան այնպիսի գիւղեր ուր հողատէրերը հողից բեզար են, որովհետեւ չեն կարողանում, ինչպէս պէտք է օգտւել նրանից, չունենալով հարկաւոր ծանօթութիւն։ Այդպիսի տեղերում էժան գնով, գուցէ և ձրի հող տան քեզ։

— Ինչու է այդպէս. որտեղ են հողը թանգ գնահատում և որտեղ նրանից ազատւել ուղարկում:

— Այնտեղ, որտեղ հողը առատ է և արդիւնաւէտ, նա աւելի թանգ է. իսկ որտեղ նա վատ է և արօտատեղերը պակաս են, այն տեղերից փախչում են. Այդպիսի տեղերում ծայրը ծայրին հասցնել չեն կարողանում. կամ անասունների համար են խոտ գնում և կամ հացի պակասը, որովհետև նրանք չգիտեն խոտաբուծութեամբ պարապել կամ հողը պարաբուացնել:

Այս բոլորից յետոյ Վահան Զաքարեանը վերադարձաւ Մկրտչի մօտ, խոստանալով ազգականին, որ էլի կհանդիպի նրան:

V

Արհեստները եւ հողագործութիւնը.

Դառնացած սրտով Վահանը վերադարձաւ Մկրտչի մօտ:

— Հը, չինի՞ թէ բանդ բուրդ է, — հարցրեց Մկրտիչը:

— Այո, չյաջողեց. ինձ վիճակւած չէ իմ հարազատ գիւղում տուն ու տեղ կազմել: Մեր գիւղացիները նոյն իսկ բարկացան, որ ես իրենց վզին եմ փաթաթւում:

— Այդ շատ հասկանալի է. ամեն մարդ իր բանը լաւ գիտի: Նրանք հողը մշակել են, մաքրել և գնովը մէկ ծախս դրել վրան. իսկ դու հեռուից

վեր ես կացել եկել, թէ ինձ էլ հող աւեք. էհ, նրանք էլ ճամբէդ լաւ են քարել: Ախր Բնչի համար ես ուզում հողագործութիւն անել. հողագործի աշխատանքը շատ ծանր է: Ամառը մնիք առաւօտեան ծէզի հետ վեր ենք կենում, արևը մայր մտնելուց յետոյ միայն տուն դառնում, և ամբողջ օրը էնքան ենք աշխատում, որ մէջքներս ջարդում, քրտնախաշ ենք լինում: Ոյժ է հարկաւոր, որ սրան դիմանայ. պէտք է մի քիչ էլ սովորած լինես այդ աշխատանքին: Հեռուց նայողի համար վար անելը շատ հեշտ է թւում, բայց եթէ մաճը իրան տաս, մի ակօս էլ չի կարող վարել. պէտք է դէս ու գէն քցի, տաւարը քրտնքի մէջ տրաքացնի, արօրը մէկ պէտք է խորը թաղւի, մէկ էլ հողի երեսից քաշ տայ: Յանելու, հնձելու, խոտ հարելու և նոյնիսկ խուրձ կապելու համար էլ շնորհը է հարկաւոր: Զէ, ախպէր, խամ մարդու բան չէ: Դու նոր հողագործութիւն անողը չես. դու աւելի լաւ կանէիր կամ վարժապետութիւն անէիր, կամ թէ չէ, քո գրչով ապրէիր: Այ, մեր գիւղի վարժապետի տեղը խնդրիր, կամ գրազրի օգնական դառ: Ես լսել եմ, որ նրան օգնական է պէտք:

— Զէ, Մկրտիչ, էլ չեմ ուզում գրչով գլուխ պահել և չեմ էլ անի: Ես ուզում եմ՝ թէկուզ աղքատ, բայց անպատճառ իմ ճակատի քրտինքով ապրել: Դու իզուր ես կարծում, թէ ես սովոր չեմ հողագործութեան: Ես քաղաքի



ուսումնարանում սովորել եմ, թէ ի՞նչպէս պէտքէ վարել, ցանել, հնձել և կալսել։ Բացի գրանից թափառական ժամանակս շատ պարապմունքներ եմ ունեցել։ Վերջին երկու տարին հողագործութեամբ էլ եմ պարապել և այդ աշխատանքը բոլորից շատ եմ սիրել։ Ե՞ն, ի՞նչ արած... բայց ասա տեսնենք, ձեր գիւղում նորոգելու, կարկատանի գործ չի լինիլ։

— Ի՞նչ նորոգելու, —քմծիծաղով հարցրեց Մկրտիչը։

— Ի՞նչ էլ որ լինի։ Ես կարող եմ նորոգել՝ սայլեր, սահնակներ, երկրագործական զանազան գործիքներ, փայտեայ և պղնձեայ ամանեղին, կահկարամիք, ոտնամաններ և այլն։ Կարող եմ նոր հնձող մեքենաներ, մանգաղ, գերանդի շինել, չուխայ, բուրք և ոտնամաններ կարել։

— Դէ, ասա լաւ ուստայ ես, էլի. բայց էդ բոլորը հրատեղ սովորեցիր, —հարցրեց նա զարմացած։

— Դուլգարութիւնն ու դարբնութիւնը դրաբոցումն եմ սովորել, իսկ մնացած բաները —հարուստ մարդկանց կալւածքներում ծառայելու ժամանակ։ Մի քանի բան էլ գործարաններում, զաւոգներում եմ սովորել։

VI

Թափառական կեանք։

Մուկուչենց գիւղում նորոգելու շատ բան ճարւեց։ Վահան Զաքարեանը այստեղ մօտ մի

շաբաթ աշխատեց։ Ապա նա գնաց հարևան գիւղը. ամեն տեղ էլ աշխատանք գտնուում էր։ Նա մի տեղ մաշիկներ և կօշիկներ էր կարկատում, մի ուրիշ տեղ սայլեր և արօրներ շինում։ Երբորդում չուխայ ու բուրք էր կարում, չորրորդում գութան էր կապում և ցորեն քամող մեքենաներ նորոգում, հինգերորդում անիւներ նորոգում, և այն, և այն։ Երբեմն լուսամուտի ապակիներ էր բցում, շրջանակները փոխում։ Շաբաթներով մնում էր դարբինների մօտ և մետաղը լաւ եռ տալ սովորեցնում սրանց, պայտառներին պայտելու աւելի լաւ ձեն էր ցոյց տալիս։

Նա օգուտ էր տալիս նաև ջրաղացպաններին, սովորեցնելով սրանց, թէ ի՞նչպէս պէտք է անեն, որ աւելի շատ հատիկներ աղան։ Մի խօսքով, Վահան Զաքարեանը հազար-փեշայ էր։ Նա ոգելից խմիչքներ բոլորովին չէր գործածում և իրեն պահում էր շատ համեստ։ Գործը քարեխաղնութեամբ էր կատարում և չափաւոր վարձ պահանջում։ Յատկապէս չէր զլանում խորհուրդներ տալ և նրա խորհուրդները գուրս էին գալիս ճիշտ կատարող և հեշտ։ Մարդը շատ բան գիտէր։ Նա բժշկութիւն էլ գիտէր։ Թեթև հիւանդութիւնները նա բժշկում էր յարմար սրնունդով, քրանացնելով և շփումներով (մասսամ)։ Իսկ ծանը հիւանդներին ուղարկում էր բժշկի մօտ, և իրաւամբ զայրանում էր, երբ ամեն տեսակ հիւանդից էլ արիւն էին թողնում։

Յաճախ Վահանի հետ խորհրդակցում էին դատական հարցերի մասին։ Այդ տեսակ գործերը նա լաւ էր հասկանում։ Կոիւների ժամանակ յաճախ կուղներին հաշտեցնում էր։ Ճնշւածների համար խնդիրք ու բողոք էր գրում։ Աւելի բարդ, հողային հարցեր ծագած դէպքերում ուղարկում էր մերձակայ բաղաքը լաւ փաստաբանների մօտ։

Մմեն տեղ, ուր որ գիշերէր Վահան Զաքարեանը, համարեա թէ գիւղի մեծ մասը կը հաւաքւէր երեկոյեան նրա պատմութիւնները և կամ ընթերցանութիւնը լսելու։ Վահանը հետը ման էր ածում մի տասը-քսան լաւ խրատական գրքոյկներ և կարգում գիւղացիների ներկայութեամբ։

Մի ամսւայ մէջ Վահան Զաքարեանին ամբողջ գաւառը արդէն ճանաչում էր. բոլոր գիւղերում սիրած հիւր էր համարւում և լաւ ընդունելութիւն գտնում։

Բա ի՞նչպէս է, որ չես ճանձրանում առանց սեպհական անկիւնի, մի օր էստեղ, մի օր էնտեղ ապրելուց—հարցնում էին նրան կանայք։

Հա, մի քիչ դժւար է,—պատասխանում էր Վահանը,—բայց էնքան էլ վատ չէ. որովհետեւ ամեն տեղ էլ ընդունելութիւն ունիմ, իմ սեպհական տանից լաւ տներ, երեխաներ, որոնց որբան չինի մի լաւ բան սովորեցնում եմ։

Համա ձեռքդ ոսկի է կտրում, հա. ամեն բան գիտես և ամեն տեղ էլ աշխատանք գտնում ես։ Դու որտեղ էլ ըլնես, զլուխդ կպահես...

բայց էլի էն ես, չեա հարստանում, —ասում էին ուրիշները։

— Բայց հօ աղքատ էլ չեմ, —ասում էր Վահանը. —ախը հարստութիւն էլ կայ հարստութիւն էլ։ Վաճառականը փողով ու ապրանքով է հարուստ, երկրագործը՝ հողով, հացով և անասուններով, իսկ իմ հարստութիւնն էլ երկու ձեռքս ու գլուխս են։ Իմ հարստութիւնը մեծ չէ, բայց ուրիշներիցը լաւ է, քանի որ ճանապարհին չեմ քցի կորցնի, ոչ էլ գողը կ'գողանայ, ոչ հողի մէջ կփթի, ոչ ջրում կխեղդւի և ոչ էլ կրակում կայրւի... Միայն թէ առողջ լինեմ։

Երբ ամառը եկաւ, Վահանը սկսեց դաշտային աշխատանքներ ևս կատարել. օրինակ՝ վարել, ցանել, հնձել, խոտ հարել, ցորենը արտից կրել և կալսել, և այլն։

VII

Ա. Ք Տ Ե Լ Ի Ի Խ Մ Ֆ Ր.

Վահան Զաքարեանը առաջին ձմեռը և ամառը մենակ էր աշխատանք անում։ Երկրորդ ձմեռը սկսեց իրեն հետ ման ածել աշակերտներ։ Մինչև ձմեռւայ վերջը նա ունեցաւ 5 աշակերտ։ Եւ այսպիսով արտելի նման մի բան կազմւեց։ Եթէ մի աղքատ մարդ խնդրում էր Վահանին, սա նրան իր հետ ման էր ածում, սովորեցնում և երբ վերջինս մի բան սովորում

էր, իրա աշխատանքին համապատասխան վարձ էր տալիս:

Վահանը վերցնում էր թէ մեծերի և թէ փոքրերի, բայց միմիայն աղքատ, անտունանտէր որբերին:

Նրան ընկերանում էին երբեմն գաւառում անուն հանած ծոյլերը, մուրացկանները, գողերը: Այս բանը շատերին զարմացնում էր և նրանք յաճախ հարցնում էին վահան Զաքարեանին.

— Պօղոսին ինչու ես հետդ ման ածում. նա ծոյլերի մէկն է և մանկութիւնից սովորել է չաշխատել, այլ մուրալ:

— Նա ինքը խնդրեց ինձ մօտ գալ և առայժմ լաւ էլ աշխատում է: Մինչեւ հիմա նրա ծուլութիւնը չեմ նկատել: Ես նրան վճարում եմ իր աշխատանքին համապատասխան. ծուլութիւն կանի, ուրեմն և քիչ կստանայ:

— Թէոսին որ բոլորովին ի գուր ես վերցրել. ախր նա աւագակների մէկն է: Երեք անգամ բռնւել է գողութեան մէջ: Երկու անգամին հարևանները մի լաւ լնքսել են, իսկ երրորդին—բանտ է նստել:

— Այդ մասին նա նախքան ինձ մօտ մըտնելք պատմել է: Նա ուտելու բան է գողացել, որովհետեւ թէ ինքը և թէ իւրայինք քաղցած են եղել: Թէոսը գողութիւնով տուն է պահել: Իսկ այժմ, ինձ հետ աշխատելով նա միշտ կուշտ է և երբեք ոչ ինձնից, ոչ էլ ուրիշներից մի մազ անգամ չի գողանալ:

— Էն կապ կտրած Պետրոսին հօ ըսկի չըպէտք է վերցնէիր: Նրա հարազատ մայրն անգամ նրանից ձեռ է վերցրել:

— Պետրոսը ոսկի է, ոսկի, տղայ չի, — պատասխանում էր Վահանը: — ամեն բան իսկոյն գլխի է ընկնում: Ինչ գործ էլ լինի, մէկ-երկու օրում սովորում է. արջի նման է աշխատում: Եւ ես նրանում դեռ ևս վատ բան չեմ նկատել. միշտ էլ իր գործին է: Տեսնում է՝ գործ կայ, էլ խօսեցնել չի տալիս, անում է:

— Ախտէր, բանից դուրս է գալիս, բոլորն էլ լաւ են. դու կախարդական գաւազանով հօ չեմ ուղղում դրանց:

— Դրա համար ոչ մի կախարդութիւն հարկաւոր չէ. միայն թէ ես հաւատում եմ իմ ընկերներին և նրանք էլ ինձ են հաւատում ու երբէք չեն խաբում: Իսկ նրանց փոխւելուն դուք էք նպաստել, դուք էք պատճառ եղել և ոչ ես:

— Ի՞նչպէս, ի՞նչ ձեռվ:

— Ահա թէ ինչպէս: Ես հօ նրանց չեմ կանչել, նրանք են եկել ինձ մօտ. «մենք նրա համար ենք եկել քո մօտ, որովհետեւ բոլորն էլ քո մասին միայն և միմիայն լաւ են խօսում»: Դուք իմ մասին լաւ բան էք խօսել, ուրեմն և դուք էք նրանց գէպի ինձ ուղարկել, հաւատացնելով, որ ես բարի մարդ եմ: Իսկ իմ բարութեանը հաւատալով, հաւանական է, նրանք էլ ցանկացել են բարի լինել: Իսկ երբ նրանք ազնւացան, դուք էլ նրանց լաւ վերաբերւեցիք: Նրանք աշխատում

Են լաւ մնալ, և ես էլ չեմ խանգարում: Ահա
բոլոր պատմութիւնը:

— Շատ ճիշտ է, ամեն տեղ քո լաւն են
ասում: Վաս բանը քեզ չի էլ յարմարւի:

Վահան Զաքարեանը իր աշխատակիցների
հետ շատ լաւ էր վարւում: Նրանց սխալները
ուղղելիս չէր բարկանում, կարդադրութիւնները
պարզ էր անում: Ինչ որ նրանք չէին ցանկա-
նում անել, ինքն էր անում, կարծես թէ հենց
դրան էր սպասում: Վարձը ստանում էր նրանց
ներկայութեամբ, մի մասը ինքը վերցնում, մնա-
ցածը նրանց աշխատանքին համապատասխան
բաժանում:

Մէկ անգամ բանւորներից մէկը վարձից
գժգոնեց, այն ժամանակ Վահանը իր բաժինը
նրան առաջարկելով ասաց.

— Վերցրնւ, ինչքան որ հարկաւոր է քեզ.
դուքէ ես աւելորդ եմ վերցրել:

Դժգոհողը ամաչեց ու փողին ձեռք չտւաւ.
իսկ Վահանը իր դրամը սուս ու փուս գրպանը
դրաւ:

VIII

Անպատաճների արտելը.

Այդ տարւայ գարնանը արտելի անդամների
թիւը հասաւ 12-ի: Ընդհանուր արտելի փողով
Վահանը 4 հատ եղ առաւ: Արտելը այժմ սկսեց

ամառնային ամեն տեսակ աշխատանքներ կատա-
րել և եզները բանեցնել:

Աշխատանքների ժամանակ այդ փոքրիկ ըն-
կերութեան զլսաւորը Վահանն էր: Իսկ երբ նը-
րանք մասերի էին բաժանում, Վահանը ամեն մի
խմբին փորձած բանւորներից մի աւագ էր նը-
րանակում:

Վահանը օրավարձով աշխատանքներ քիչ էր
վերցնում. նա գերադասում էր կապալով վերց-
նելը, և այսպիսով արտելը պայմանաւորւեց մի
քանի եզներ չունեցող գիւղացիների բոլոր ա-
մառնային աշխատանքը կատարել: Նրանք վերց-
նում էին բանջարանոցներ փորել և տնեկելը,
գարնանացանն անելը, արտելը աղբելը և հողի
պարարտացնելը, խոտհարքների խոտը հարել և
կրել, ցանքսերը հնձելը և այլն:

Կապալով աշխատանքները արտելին քաջա-
լերում էին. Նրանց դուր էր գալիս, որ իրենք
աշխատանքի տէր էին համարւում: Նրանք իրենց
ցանկացած ժամանակ հանգստանում էին: Բայց
երբ որ աշխատանքի էին կպչում, գործը առաջ-
ներին դողում էր. ընդհանրապէս օրավարձով
աշխատողներից աւելի յաջող էին աշխատում և
աւելի շատ վարձ վերցնում:

Արտելը անգործ չէր մնում, նրանցից մէկը
միշտ ըրջում էր և օր առաջ աշխատանք գըտ-
նում:

Արտելի անդամները կիրակի օրերը հաւաք-
ւում էին մի տեղ, շաբաթական հաշիւները տես-

նում և եկող շաբաթւայ համար նոր խմբերի բաժանւում:

Հաշիւներն ու վարձւելլ այնքան էլ շատ ժամանակ չէին խլում: Տօն օրւայ մնացած մասը հանգստանում էին: Այժմ հանգստի ժամերը նըրանք բոլորովին այլ կերպ էին անցկացնում, քան առաջ: Նրանք կամ լուսմ էին որևէ գրքի ընթերցում, կամ Վահանի հետ զրօնում ու պատահած առարկաների ու երկոյթների մասին զրոյց անում: Զբօանքները և զրոյցները երբեմն արտելին աւելի հետաքրքրական էին թւում, քան զըքերը: Վահանը ամեն բան գիտէր, ամեն բան կարողանում էր բացատրել ու նրանց համար մի նոր բան ասել: Նրանք հետաքրքրութեամբ լսում էին ուրիշ առաջաւոր ժողովուրդների կեանքի և ապրուստի մասին պատմութիւններ, օգտակար գիտելիքներ խոտերի, թփերի և ծառերի մասին, նրանց տւած օգուտի, գործածութեան եղանակի և աճեցման ձևերի, չորքոտանիների, թռչունների, ձկների և գետունների, սրանց կեանքի, մարդկութեանը տւած օգուտի և վնասի մասին, և այլն, և այլն:

Վահանից արաելի անդամները իմացան Քրիստոսի կեանքի և վարդապետութեան, առաքեալների և մեծ վարդապետների կեանքի մասին: Հետզհետէ նրանք սովորեցին գնահատել մարդկանց արարքները և թէ միմեանց, թէ ըրջապատի հետ անկեղծ յարաբերութիւններ պահպանել:

Տաղիների ընթացքում արտելին նոր և նոր

անդամներ էին աւելանում, բայց սրանց մի մասը շուտով հեռանում էր: Հեռանում էին նրանք, որոնք կամքի թուլութեան պատճառով անընդունակ էին կազմակերպւելու խմբական աշխատանքի համար:

Ամառայ վերջին Վահանը եղներից մի զայդը ծախեց. ապա եղների և ամառայ ընթացքում արտելի աշխատած փողով նա գնեց երկու հատ քամելու ձեռքի մեքենայ: Սրանցով նա արագութեամբ կալսեց իրենց կապալով վերցրած ցանքը և ապա երկու խմբի բաժանելով բանւորներին, ուղարկեց հարևան գիւղերը՝ ամեն մի խմբին մի մեքենայ ավալով:

Զմեուը արտելը նորից երկու կամ երեք հոգուց բաղկացած խմբերի բաժանելով՝ սկսեց շրջել գիւղերը և զբաղւել զանազան առարկաներ նորոգելով:

IX

Նոր գիւղը.

Այս ձեռք անցաւ երեք տարի: Երբորդ տարի ամառը ու աշնանը արտելը աշխատեց այնպէս, ինչպէս և նախկին տարիներում: Չորրորդ ձմեռայ սկզբին Վահան Զաքարեանին կանչեցին նոր գիւղ, զանազան իրեր նորոգելու: Նոր գիւղը բաղկացած էր չորս տնից, որից երեքը եղբայրներ էին. սրանը երեքն էլ ունեար մարդիկ էին և պատրաստւում էին գաղթելու:

Եւ այժմ Վահանին հրաւիրել էին, որ նա ճանապարհի համար սայլեր պատրաստի, և հարկաւոր իրերը նորոգի:

— Դուք ինչու համար էք տեղափոխւում, հարցրեց Վահանը եղբայրներին: Դուք այստեղ, եթէ չեմ սխալում, լաւ ապրուստ, լաւ տուն ու տեղ, բաւականին անասուններ ունեք: Հոգներդ առատ է և հացն էլ լաւ էր գալիս: Եւ ընդհանրապէս, կարծեմ որ, լաւ էիք ապրում:

— Լաւ էր, բայց ոչ այնքան,—պատասխանեց տան տէրերից մէկը: Տունը ծածկելու փայտ այստեղ շատ դժւարութեամբ էինք ձեռք բերում. գերանների և երկրագործական գործիքներ շինելու փայտի համար 60 վերստ ճանապարհ էինք գնում: Խոտհարքներ էլ բաւականաչափ չունեինք: Իենց որ տարին մի քիչ չորսային եղաւ, դէ արի ու դէս-դէն ընկիր, որ ձըմեռը ապրանքու քաղցից չկոտորես, խոտ ճարես: Անցեալ տարի ամեն մէկս 50 րուբլու խոտ գընեցինք: Դաշտներումս էլ մի թիզ խամ տեղ չի մնացել, բոլորը տասը տարուց վեր է ինչ վարել ենք: Հողը ուժից ընկել է. առանց աղբելու և պարարտացնելու ոչինչ չես ստանայ: Իւրաքանչիւրս մեծ թուով անասուններ ենք պահում հենց այդ բանի համար, իսկ այդ այնքան էլ ձեռնտու չէ: Եւ որ գլխաւորն է՝ հողը սակաւ է. գուցէ և մեզ բաւականացնի, բայց մեր երեխանքին քչութիւն կանի: Բոլորս էլ, փառք Աստուծոյ, տղերք շատ ունենք. մի քիչ մեծա-

ցան, նեղութիւնից կխեղդւեն: Մենք, գլխաւոր բազէս, այդ պատճառով էլ գաղթում ենք:

— Բայց չէ՞ որ հողը ապագայում է քչութիւն անելու...

— Հենց բանն էլ դրանումն է, որ սակաւութիւն անպատճառ կինի. քանի որ մենք ոյժ ունենք և հսարաւորութիւն՝ ուզում ենք տեղափոխւել: Ինքդ լաւ գիտես, որ եթէ ձեռդ տաք է, նոր տէղում էլ կարող ես լաւ տեղաւորւել: Բայց Աստւած չանի, թէ աղքատ ժամանակը գաղթես. եթէ հին տեղդ վատ էր, նորը տապը անգամ աւելի վատ կլինի: Իսկ նոր տեղի հողերը, ասում են, ոսկի են. ծառեր—ինչքան ուզես և տեղն էլ ընդարձակ: Ամեն ինչ առատ է: Տեղափոխւելն էլ հօպատիժ է:

— Բոլորդ էլ գնում էք:

— Մենք, երեք եղբայրով գնում ենք, իսկ մեր հարեւանը մնում է: Նա չքաւոր է և տեղից շարժւելու ոյժ չունի: Մենք աշնանացան էլ չենք արել, որովհետեւ գարնանը գնալու ենք:

— Իսկ հողը ինչ պիտի անէք:

— Հողը յետոյ կծախենք:

— Իսկ հարեւան գիւղերը չեն ուզում ձեռ հողը ստանալ:

— Ոչ, նա նրանց էնքան էլ հարկաւոր չէ: Նրանց վարեկանողերը բաւականին առատ են:

— Իսկ ձեր տուն ու տեղը ինչ կանէք:

— Ստիպւած ենք ամենաէժան գնով ծախել, համարեա թէ ձրի: Այ, իմ ունեցած-չու-

նեցածին մէկը միայն երեսուն ըուբլի է տալիս և էն էլ դժկամակութեամբ: Իսկ եղբօրս բաժնին էդքան էլ չեն տալիս: Մի խօսքով մեր ունեցածի արժէքի հինգերորդ մասն էլ չենք ստանալու:

— Բայց քանի՞ ըուբլով դուք կյօժարւէք տալ ձեր բոլոր շինութիւնները:

— Ես մեծ սիրով 40 ըուբլու էլ կտայի, իսկ եղբայրներս նոյնիսկ 25-ականով յօժար կինեն, բոլորը միասին 90 ըուբլի: Գուցէ և աւելորդ մանր-մունը բաներ էլ վրէն տայինք. եթէ թողնենք, միևնոյն է կռպէկ չենք ստանալու: Տեղափոխութեան ժամանակ 90 մանէթ ստանաս, քիչ փող չէ:

Վահանը մտատանջութեան մէջ ընկաւ: Նա անցեալ ամառ էլ աշխատել էր եղբայր Կարապետեանների մօտ և գիտէր, որ լաւ հողեր ունեն: Խոտհարքները, ճիշտ է, առատ խոտ չէին տալիս, բայց այդ բոլորը ուղղել կարելի էր: Հողը եթէ պարարտացւէր և լաւ մշակէր, լաւ բերք կտար, խոտհարքներն էլ կլաւանային, իսկ ծառեր կարելի էր տնկել: Մի խօսքով այստեղ լաւ կարող էին ապրել ոչ թէ չորս, այլ գուցէ և 10-ը ընտանիք:

Վահանը, որ ամեն կերպ համոզեւմ էր նըրանց այդ սխալ քայլը չանել, երբ տեսաւ, որ նըրանք հաստատապէս վճռել են, մտածեց, թէ ի՞նչ ձեռով Կարապետեանների դաղթից յետոյ այդ տեղին տէր դառնայ: Մենակ ինքը, ի հարկէ, այդ-

քան հողը մշակել չի կարող և կարիք էլ չկայ: Բայց միթէ այս գործում իրեն չեն աջակցի անտուն-անտեղ և ուրիշ անապաստան թափառաշրջիկներ, օրինակ, հենց իր արտելի անդամները: Ամենից շատ սրանք կհամաձայնեն ապրել այդտեղ: Այդ լաւ կլինի թէ իրեն և թէ նրանց համար: Թափառական կեանքը արտելին բոլորովին դիւր չէր կալիս և նրանք ուրախութեամբ նստակեաց կդառնային:

Վահանը սկսեց աւելի խորը մտածել: Նա մտածում էր գիշեր ու ցերեկ, թէ աշխատանքի և թէ հանգստի ժամերին: Երբեմն աշխատանքի ժամանակ ասեղը ձեռքից վայր էր ընկնում և հաց ուտելու ախորժակ չէր ունենում:

Երրորդ օրը Վահանը կարապետեանների հետ երկար խօսեց: Ապա Յ ժամ խորհրդակցեց իր արտելի հին անդամների հետ:

Հինգերորդ օրը նա կարապետեանների մեծ եղբօր հետ քաղաք գնաց: Այստեղ նրանք հինգ օր մնացին:

Յետոյ նըրանք երկրորդ անգամ չորս օրով քաղաք գնացին: Երկրորդ անգամ գնալ-գալուց յետոյ կարապետեանը իր եղբայրներին յայտնեց, որ Վահան Զաքարեանը նըրա բոլոր շինութիւնները, արօտները, փոցխերը, սահնակները, աւելորդ սայլերը և ուրիշ երկրագործական գործիքները 60 ըուբլով գնել է, այնպէս որ նա էլ ծանելու բան չունի: Իսկ հողը կարապետեանների

թողնելուց յետոյ, գանձարանը կապալով տւեց Վահանին տասներկու տարով:

— Այ, եթէ դու մեր շինութիւններն ու գործիքներն էլ գնէիր, ինչ լաւ բան կլինէր, — ցանկութիւն յայտնեցին միւս երկու եղբայրները:

— Իսկ դուք քանիսմիվ կտաք ձեր շինութիւններն ու միւս բաները, — հարցրեց Վահանը:

Այս եղբայրներն էլ մեծի նման 60 ըռուբլի ուզեցին: Բայց մեծ եղբայրը հասկացրեց, որ նրանց ունեցածը իրենից աւելի քիչ արժէ: Յետոյ ակնարկեց, որ Վահանի ձեռքին փող չկայ, որ նա խսկապէս այդքան շինութեան կարիք չունի, այլ ապագայի համար է գնում միայն, գուցէ և նրան բոլորովին պէտք էլ չլինին: Այն ժամանակ եղբայրները համաձայնեցին և իրենց ունեցածը միասին ծախեցին 80 ըռուբլով:

Վահանը շինութիւնների ու միւս իրեղէնների գրամը վճարեց կարապետեաններին նըրանց տեղափոխւելուց առաջ:

Եւ այսպիսով անհող Վահան Զաքարեանը իր ընկերներով յանկարծ տէր դարձաւ 150 դեսեատին հողի, երեք պատրաստի բակի, երկրագործական և այլ իրեղէններով:

Տների առնելը այդ երկրի ընակիչներին սաստիկ զարմացրեց: Սկսեցին դատողութիւններն ու ասէ-կօսէնները: Շատերը Վահան Զաքարեանին հարուստ մարդ էին համարում: Բայց նա հարուստ չէր փողով, այլ՝ ձեռներէցութեամբ և մեծ պատրաստութեամբ:

X

Գաղթականների գնալը եւ նոր գիւղի նորոգութիւնը.

Վահան Զաքարեանը և նրա արտելի անդամները մինչև գալուն շրջում էին գիւղերում: Այդ ձմեռ նրանց թիւը հասաւ 15-ի: Նրանք այժմ համարեա թէ անկախ էին և երկառվ և կամ երեքով միացած աշխատում էին: Նորերը կամ ջանէնները աշխատում էին փորձածների և հասակաւորների հետ: Նրանք իրարից շատ էլ չէին հեռանում և աշխատանք պատահելիս մի խըմքակը միւսներին օգնութեան էր վթաճնչում: Իսկ եթէ աշխատանքի ժամանակ որևէ է դժւարութեան էին պատահում կամ թիւրիմացութիւն էր ծագում, այն ժամանակ իմացնում էին Վահանին: Նա իսկոյն հասնում էր, աշխատանքը կանոնաւորում, անհրաժեշտ կարգադրութիւններ անում և թիւրիմացութիւնները վճռում: Սակայն այսպիսի դէպքեր քիչ էին պատահում: Բացի դրանից աշխատանքները այնքան էլ բարդ չէին և քաջ յայտնի էին արտելի անդամներին:

Վերջին օրերը Վահանը քաղաքից վերադարձաւ բերելով իր հետ զանազան սերմեր՝ գարու, ցորենի, սփսեռի, կտւահատի, խոտի և բանջարեղէնի, նաև տնտեսութեան համար անհրաժեշտ պիտոյքներ:

Գարնան սկզբում կարապետեանները սկսեցին ձանապարհի պատրաստութիւն տեսնել. նրանց օգնում էր իր արտելով հանդերձ Վահանը:

Քոչի օրը նոր գիւղը լցւեց դրսեցի ժողովրդով. եկել էին գաղթողներին ձանապարհ գնելու ազգականները, ծանօթները և շրջակայ գիւղերի ընակիչները: Սա աւելի յուղարկաւորութեան էր նմանում: Տղամարդիկ տրաում էին, իսկ կանայք, բարձրաձայն լաց լինելով, մնաս բարով էին ասում հողին, խրճիթներին, ծանօթներին, ազգականներին ու իրենց ննջեցեալների գերեզմաններին:

Հազիւ կէսօրւայ մօտ գաղթականների կարաւանը, ամբոխով շրջապատած, անյայտացած հեռում և լայն ու բարեմաղթութիւնները լըռնեցին:

Վահանը և իր ընկերները տխուր վերադարձան ամյայցած գիւղի դատարկ բակերն ու տները: Փողոցում, այստեղ-այնտեղ թափւած էին՝ խոտ, յարդ, փայտի կտորտանք, իսկ խըրճիթները աղբով լիքն էին:

— Դէհ, տղերը, էլ ի՞նչ էք շւարւել: Պէտք է էս բոլորը հաւաքենք, մաքրենք և կարգի բերենք:— Զէ որ հիմա սրանք մեր տներն ու բակերն են,—ասաց Վահանը: Զարմանալի է, որ տարեկան մի քանի անգամ, գոնէ մեծ տօներին, գիւղացիները միացած ուժերով կարգի չեն բռում և չեն մաքրում գիւղի փողոցները:

Ամենից առաջ ընկերները հերթով շրջեցին

բոլոր բակերը, տները և շինութիւնները: Վահանը մանրամասը բացատրեց, թէ ի՞նչ բան պէտք է նորոգել, ինչը նոր աւելացնել և որ տեղերը ուղղել: Վերջապէս, մտան նաև կարապետեանների հարեան և իւր տեղում մնացած, Տիգրան Ծառուկեանի տունը: Սա ցանկութիւն յայտնեց հենց այստեղ էլ մնալ և արտելի անդամ դառնալ:

Երկու ժամից յետոյ ընկերների համար ամեն ինչ պարզ էր և աշխատանքը բաժանւած: Ամենուրեք, չորս խրճիթում էլ, ուրագները շրխկում էին, սղոցները խզխզում և նոր անատէրերի ուրախ խօսակցութիւնների ձայնն էր լսուում: Հին կեանքի փոխարէն սկսում և եռում էր նորը:

Վահանը ամենին էլ հասնում էր, ցոյց էր տալիս, բացատրում և օգնում աշխատողներին: Տղերքից որը կտուրն էր բարձրացել, որը պատի զլուխը, որը բակերումն էր և ներքնայարկում. նրանք կտրում էին, սղոցում, տաշում, աղիւսներ էին շարում, շաղախ պատրաստում, հող էին քանդում, պատերն էին սպիտակացնում, լուսամուտներն էին ներկում կամ լւանում և այլն: Ծրագրում էին փողոցներն էլ զարդարել նորատունկ ծառերով:

Նոր-գիւղը նման էր գարնան տաք օրւայ մըջիւնի ընին: Մինչև անգամ, մնշւած ու թառամած Տիգրան Ծառուկեանն էլ, կարծես թէ վերածնել էր և միւսներին հաւասար աշխատում էր:

Եռուն աշխատանքը երկար չտևեց։ Նորոգութիւնների սովոր անապաստանները իրենց գիւղը հրաշալի վերանորոգեցին։ Այնպէս արին, որ էլ ճանաչել չէր լինում։ Բակը նմանում էր մի մեծ և ընդարձակ հրապարակի, որի երկու ծայրերում կախւած էին դարպանները։ Բակի չորս կողմը շարւած էին լաւ վերանորոգած տըները՝ հաստատուն ծածկով և մեծ ու լուսաւոր պատուհաններով։ Բակերի մէջ տեղերը փոսեր էին փորել, ծառեր և թփեր տնկելու համար։

Տների պատերը ներսից սպիտակացրւած էին, յատակները տախտակած։ Բոլոր տների լուսամուտներն էլ աւելացրել էին, փչացած ապակիները փոխել և մեծ-մեծ խրճիթները միջնապատերով փոքրիկ սենեակների բաժանել։ Երեսում էր, որ ամեն շաբաթ պարտաւորւած մաքրում էին փողոցները։

Արօրները, փոցխերը, գութանը, սայլերը, եղանակները, գերանդիները և վերջապէս բոլոր գործիքները դարսւած էին խորթանոցում։

Նոր-գիւղը արթնացել և առոյգացել էր. ամենուրեք երեսում էր մաքրութիւն և կարգ ու կանոն։

XI

Արտելի տնտեսութիւն նիմնելը.

Նորոգումները վերջանալուց յետոյ ընկերները մի օր հանգստացան։ Նրանք շրջում էին իրենց

նոր տները, ուրախանում և երազում, թէ ինչպէս են ապրելու իբրև իսկական տնատէր և հողատէր գիւղացիներ։

Այդ օր Վահանը արտելի անդամներին մանրամասն պատմեց, թէ ինքը գիւղը ինչ ձեռվ ձեռք բերեց։

Գիւղերում թափառելիս, էս երեք տարի էր ես միշտ մտածում էի, թէ ինչպէս անեմ, որ հող և տուն ունենամ։ Պատահեց նոր-գիւղը. այս հողը իբրև ծառերից զուրկ, խոտհարքներից պակաս և երկաթուղիներից հեռու ընկած տեղ, ես գանձարանից տարեկան չնչին գումարով կապալով վերցըլի. զրա մէջ է մտնում նաև Տիգրան Ծառուկեանի մասը. իսկ թէ տներն ու սարք ու կարգը ինչպէս եմ ձեռք բերել—այդ դուք էլ գիտէք։

Այս երեք տանը, Կարապետեանների թողած բոլոր իրեղինների հետ միասին, վճարել եմ 140 ըութիւն։ Այդ համարեա թէ իմ երկու և կէս-տարւայ ընթացքում յետ գցած փողն է. այդ գումարը կարապետեաններին պէտք էր տալ նրանց զընալուց առաջ, որովհետեւ գաղթելու համար այդ անհրաժեշտ էր. հենց զրա համար էլ նրանք այդ բոլորը մեզ էժան գնով ծախեցին։ Սակայն հողը ձեռք բերելուց յետոյ, պէտք էր ցանել. սերմերը ես բերեցի մեր հարևան գիւղի սպառողական միովիլինից։ Յատկապէս վերցըլել եմ մաքուր, լաւ տեսակի և մեծ-մեծ հատիկներով սերմեր՝ ընդամենը 492 բուք. 60 կոպէկի։ Սերմերը խոս-

տացել եմ հենց առաջին բերքին վերադարձնելու գնել եմ նոյնպէս՝ մազութ, երկաթ, մանր-մունք գործիքներ, նաւթ, շաքար, թէյ, լուցկի և այլն, բոլորը 200 ըուբլու: Բացի դրանից սպառողական միութեան արհեստանոցում մօտ 300 ըուբլու անհրաժեշտ գործիքներ եմ պատւիրել: Այդ բոլորի փողը մի բարի մարդուց փոխ եմ վերցրել՝ 5 տարւայ ընթացքում մաս-մաս վճարելու պայմանով: Այսպիսով մենք պէտք է աշխատենք մեր գլուխը պահենք, և իր ժամանակին պարտքներս վճարենք: Չեմ թագցնում—մի քիչ նեղութիւն կը քաշենք, բայց միայն առաջին օրերը, յետոյ լաւ կը լինի: Յոյս ունեմ, եթէ մենք սրտանց գործի կաչենք, մեզ էլ կապահենք, տնտեսութիւններս էլ կ'կանոնաւորենք և հողատիրոջ, սերմատիրոջ ու փողատիրոջ մեր վրայ դրած յոյսերն էլ կարդարացնենք:

— Ախպէր, էղքան փողը մրտեղից պէտք է տանք, — ասաց Տիգրան Ծառուկեանը: Այ, էս է հինգ տարի է, Մնացականին տասը բուրզի փող եմ պարտ, չեմ կարողանում տալ, հազիւ տոկուն եմ տալիս:

Այս բանը արտելի անդամների վրայ վատ ազդեց: Նրանցից շատերը սկսեցին անհանգստանալ: Բայց Վահանը սառնասրտութեամբ ասաց:

— Ոչինչ, տղերք, կվճարենք: Շուտով մենք նոյն իսկ մանր վարկի ընկերութիւն կը հիմնենք: Տասնվեց հոգի ենք, Ծառուկեանի ընտանիքն էլ հաշւած՝ քսան: Բացի ինձնից ու Ծառուկեանից,

դուք բոլորդ էլ ջահէլ, ուուժեղ տղերք էք, աշխատանքից վախեցող չէք: Իսկ աշխատանքը ամեն բանի յաղթում է: Հենց որ սկսեցինք աշխատել, ամեն բան կ'լաւանայ: Դեռ մի երկու շաբաթ ենք միայն աշխատել, բայց տեսէք, ինչ դրախտ դարձինք մեր նոր-գիւղը: Միայն թէ իմ գնած գործիքներն ու իրերը տնտեսութեան համար քիչ են: Մեղ դեռ շատ բան է հարկաւոր: Մեղ հարկաւոր են՝ եզներ, կովեր, ոչխարներ և մի քանի կարեոր գործիք: Իսկ ինձ մօտ էլ կոպէկ չկայ:

— Ես ունեմ... ես էլ ունեմ... ես էլ ունեմ... լսւեցին այս ու այն կողմից:

— Շատ լաւ: Ուրեմն տւէք ձեր ունեցածները:

Ընկերները սկսեցին գրանները քրերել քըսակները թափ տալ, աղլուխների անկիւնների կշկուները բանալ, և իրենց յետ գցածը տւեցին Վահանին: Երբ բոլորը հաւաքեցին՝ 183 ըուբլի 73 կոպէկ փող գոյացաւ: Բացի դրանից մի քանիսն էլ յայտնեցին, որ ուրիշների մօտ էլ փող ունեն:

— Այսպիսի սկզբնաւորութիւնից, ընկերներ, ես լաւ հետեանքներ եմ սպասում: պարտքներս էլ կտանք և տնտեսութիւններս էլ հրաշալի առաջ կտանենք, — ասաց Վահանը ոգեսրուած:

— Զեղնից վերցրած փողերի հաշիւը ես կ'գրեմ և կպահեմ: Այս փողերով մեր ընթացիկ

ծախսերը կծածկենք։ Իսկ եթէ մէկն ու մէկը մեզնից բաժանւելու լինի և ցանկանայ իր սեպհական տնտեսութիւնով զբաղւել, իր փողը յետ կստանայ։

XII

Նոր ՏԵՍԵԿՈՒԹԻՒՆԸ.

Յանքսը սկսելու համար Վահանը իր ընկերակիցներին հետևեալ ծրագիրն առաջարկեց։ Մի թղթի վրայ նա նկարել էր նորդիւղի հողը և տարբեր սերմեր ցանելու հողամասերը տարբեր գոյներով ներկել։ Ամբողջ հողը 150 դեսետին էր։ Մրանից 3 դեսետինը անպէտք հող էր (ճանապարհ, փոքրիկ ձորակներ և այլն), իսկ 147՝ լաւ։ Յանքսի համար հողը նա այսպէս էր բաժանել՝ 2 դեսետին կալատեղի և տան շուրջը պարտէղի համար, 105 դես. ցանելու, 20 դես. խոտհարքի, 10 դես. արօտատեղի և 10 դես. նոր անտառ տնկելու համար, վերջնիս Ծառատունի տօն անունով յատուկ օր յատկացնելով։ Իր ծրագիրը Վահանը այսպէս բացատրեց։

— Կարապետեանները, ինչպէս և մեր գաւառի բոլոր բնակիչները, դաշտը երեք մասի են բաժանում՝ աշնանացանի, գարնանացանի և հերկի համար։ Իսկ մենք դաշտը կըաժանենք 8 մասի և բացի հացահատիկներից կցանենք նաև այն խոտերի սերմերը, որ ես բերել եմ։ Մեր հողերի

երկու բաժինը կցանենք գարնանացան՝ ցորեն, դարի և կտւահատ, երկուսում—աշնանացան ցորեն, երկուսում—խոտ, իսկ միւս երկուսը կլինեն արօտատեղի և կհերկւեն։ Այս կտորները, որ կարապետեանները գարնանն էին ցանել, մենք կհերկենք, իսկ այն հողերը, որ մի տարի հանգստացել են (չեն ցանւել), մենք կցանենք՝ գարի, կտւահատ, սիսեռ և ցորեն։ Գարու հետ կցանենք և խոտ։

Վահանը իր թղթի վրայ ցոյց տւեց, թէ ինչպէս յարմար է հողը 8 մասի բաժանել և որ մասում ինչ ցանել։ Ընկերակիցներից մէկը նկատեց, որ իրենց արտերը կպած լինելով հարևան գիւղերի հողին և նրանց արտերի հետ չցանւելով, վերջիններիս անասունների կերցման կենթարկւեն։ Նրան Վահանը պատասխանեց, որ իրենց հողի շուրջը պատնէշ պիտի կանգնեցնել։

— Բայց այդ շատ թանգ կնստի, — ասաց խօսակիցը։

— Ոչինչ, հողէ հասարակ պատ կըաշենք, որ էնքան էլ թանգ չնստի։

Միւս օրը Վահանը, մի քանի ընկերների հետ դաշտը բաժանեց և սահմանները որոշեց, իսկ միւս ընկերները գնացել էին հարևան գիւղերը՝ ուտելեղէն և ուրիշ անհրաժեշտ իրեր գնելու։

Վահանը իր հարևան գիւղացիներին ասել էր, որ գարնանացանի համար եղներ, արօր, փոցիս և ցանողներ չի ունենայ և խնդրել էր, որ

մի օր իրեն օգնութեան գան. բոլորն էլ սիրով ընդունել էին նրա առաջարկը և խոստացել էին մի օր իրենց եզներով ու գործիքներով նրան օգնութեան գալ: Մի քանի մարդ էլ ուղարկել էր այս օգնողներին իմաց տալու համար:

— Նա մեզ շատ բանի մէջ է օգնել, մենք էլ պարտաւոր ենք նրան օգնելու, — ասել էին հարեան գիւղացիները:

Հրաւիրելու գնացողները իրենց հարևան գիւղացիներին յիշեցնելով նրանց խոստումը, հրաւիրում են թէ իրենց օգնելու և թէ նոր տնտեսութիւնը շնորհաւորելու: Նրանք ամեն մինին հասկացնում էին, թէ ովք ինչով պէտք է գար՝ արօրով, զութանով, փոցխով, թէ սայլով:

Օգնութեան գալու օրը նշանակւած էր ապրիլի երեսունին:

XIII

Օգնութեան եւ ընորհաւորէի գալը.

Այդ գաւառում հնուց մի գեղեցիկ սովորութիւն կար. այն է՝ հարևանները երբեմն օգնում էին իրենց համագիւղացու կամ համագաւառացու դաշտային աշխատանքներին: Այդ օգնութիւնը առհասարակ ստանում էին աղքատ մարդիկ. օրինակ՝ մանր որբերի տէր այրիները, եզ չունեցող հողատէրերը և ընտանիքները, որոնց միակ աշխատող ձեռքը կամ հիւանդ էր լինում կամ մեռած:

Այդպիսի օգնութիւնները համարւում էին աստւածահաճոյ գործ. այս դէպքում օգնողներին լաւ պատւում և հիւրասիրում էին. իսկ եթէ տանտէրը շատ աղքատ էր, օգնողները ոչինչ չէին ստանում:

Բացի դրանից, սովորութիւն էր, որ շնորհաւորութեան գնալիս հետները որևէ նւէր էին տանում:

Օգնութեան նախորդ օրը Նոր-գիւղում պատրաստութիւններ էին տեսնուում: Գիւղին մօտիկ սարքւած էին մսուրներ՝ եզներին կերակրելու համար և բաւականին խոտ ու դարման էին պատրաստել: Հարևան գիւղերից հաւաքել էին՝ ամաններ, բաժակներ, գդալներ, կճուճներ և կաթսաններ: Բակում տախտակներից երկար սեղաններ էին շինել: Բաւականին կերակուրի պատրաստութիւն էր տեսնուած. տամնեակ հարեւանուհիներ օգնում էին տանտէրերին՝ հիւրերի համար կերակուր պատրաստելու և հաց թխելու:

Վահանը իր ընկերների մէջ նախօրօք պաշտօնները բաժանեց, թէ նրանցից ամեն մէկը ինչ պէտք է անէր. աշխատանքի և հիւրասիրութեան ժամանակ: Մէկին՝ կարգագրեց, որ վարանողների հետ գնայ, միւսին՝ ցաք (փոցխ) անողների, երրորդին՝ ցանողների, չորրորդին՝ աղք կրողների, հինգերորդին՝ սերմը կրողների հետ և այն: Ցետոյ ընկերներից մէկին վերահսկիչ նշանակեց կերակրի վրայ, միւսին կարգու կանոն պահելու, երրորդին՝ հացի վրայ հըս-

կելու, չորրորդին—կերակուրը բաժանելու, հինգերորդին—ամանները հաւաքելու և լւանալու, վեցերորդին—եղներին կերակրելու և ջրելու և այլն: Իր կարգադրութիւնները Վահանը վերջացրեց հետևեալ խորհրդով.

— Կարգ ու կանոնը ամեն բանից բարձր է, մասնաւանդ երբ շատ մարդ է աշխատում: Դուք վաղը միայն պէտք է ընթացը տաք գործին: Թող ամեն մէկը իր պաշտօնը լաւ կատարէ: Այն ժամանակ ամեն բան իր տեղում կլինի, աշխատանքը շուտ կկատարէ և լաւ: Բացի դրանից, բոլորի հետ սիրակիր եղէք, որովհետև բոլոր օգնութեան եկողները գալիս են իրենց բարի կամքով, մեզ օգնելու ցանկութեամբ լցւած: Միրածիր վերաբերմունքի հետ մեր աղքատիկ հիւրասիրութիւնը շատ համով կիւրայ:

Առաօտեան, ապրիլի 30-ին, բոլորը վաղ վեր կացան: Արեածագի հետ սկսեցին երևալ օգնութեան եկողները՝ գութաններով, արօրներով, փոցներով և սայերով: Մի քանիսը մենակ էին եկել, իսկ ոմանք՝ կանանցով ու փոքր տղաներով, որոնք հօտաղութիւն պիտի անէին: Իւրաքանչիւր օգնող բարեւում էր դռանը կանգնած Վահանին, շնորհաւորում նրանց նորգիւղը և որևէ նւէր տալիս: Վահանն ընդունում էր նւէրը, չնորհաւորում յայտնում, հիւրերին սեղանի մօտ մի թեթև հիւրասիրում և ուղարկում դաշար աշխատելու: Շուտով աշխատանքը սկսեց եռալ: 210 արօր վար էր անում, 35 մարդ ցանում էր,

105 փոցի ցաքանում էր ցանածը, 10 սայլ բան-ջարանոցը աղը էր կրում: Վահանի հաշւով, գար-նանացանի համար որոշւած 70 գեսեատինը վա-րելու և ցանելու համար՝ այսքան աշխատողները բաւական էին: Ժամի 8-ին օգնողներին հրաւի-րեցին նախաճաշի:

Բայց մի կողմից գեռ էլի նոր օգնողներ էին գալիս. գալիս էին և այնպիսիները, որոնք կանչւած չէին: Վահանը սրանց խաթրին չգիպ-չելու համար, սրանց համար էլ էր աշխատանք գտնում:

Նա հարևան գիւղերից իսկոյն կացին, բահ և աղը կրելու սայլեր բերել աւեց: Արօրնե-րով եկած նոր օգնողներին նա ուղարկեց հերկանելու:

Ժամը երկուսին օգնողները ճաշեցին: Ճաշը շատ ուրախ անցաւ: Ճաշից յետոյ հասակաւոր օգնողները զով տեղ գտնելով մի ժամ աշբները կպցըին: Իսկ եղների մասին հոգում էին տան-տէրերը:

Երեկոյեան ժամը 8-ին աշխատանքը վերջա-ցաւ. օգնողները ընթրիքի նստեցին: Ընթրիքի ժամանակ ոմանք ցանկութիւն յայտնեցին օղի խմելու: Սրանց Վահանը պատասխանեց.

— Ներողութիւն եմ խնդրում այն հիւրե-րից, որոնք կուղէին օղի խմել մեզ մօտ: Մենք օղի չենք պահում և սրանից յետոյ էլ չենք ու-նենալու: Օղին մարդկութեան մեծ չարիքներից

մէկն է: Օղիի փոխարէն ինդրում եմ թէյ հրամեցէք:

Ընթրիքից յետոյ հիւրերին թէյով հիւրասիրեցին: Մեծերը սկսեցին զրոյց անել, իսկ ջահէները պար բռնեցին: Բաւական ուրախանալուց յետոյ, ժամը տասին օգնողները ցրւեցին:

— Սրտանց շնորհակալ ենք, եղբայրներ, ձեր օգնութեան համար,—ասաց զգացւած ձայնով Վահանը: Լաւ զիտեմ, թէ ձեզ համար գարնանային մի օրը, նրան թանգ արժէ. սակայն դուք զոհեցիք մեզ համար ձեր մի օրը: Աստուծոյ և ձեր այսօրւայ մեզ հասցրած օգնութեամբ, մենք, անհող ու անտուններս, կդառնանք ձեզ պէս զիւղացիներ: Կարիքի ժամին օգնելը—ամենամեծ գործըն է: Դուք մեզ օգնեցիք մեր կարիքի ժամին, օգնեցիք դէպի մեզ ունեցած սիրուց, օգնեցիք ձեր աշխատանքով. բացի դրանից՝ առատօրէն նուէրներ բերիք մեզ համար: Իսկ տնտեսութեան սկզբում մի կոպէկը մի ըուբլու չափ արժէք ունի: Մենք այժմ չքաւոր ենք և այս բոլորը ձեզ վերադարձնել չենք կարող. բայց գրա փոխարէն մեր սրտանց շնորհակալութիւնը յայտնելով ձեզ, խնդրում ենք Աստծուց, որ գրա փոխարէնը հարիւրապատիկ վարձատիք ձեզ...

Այստեղ արցունքները խեղդեցին Վահանին և նա լոեց:

— Այ քեզ բարի հոգի, —ասաց ծերունիներից մէկը: —Ինքը բոլորին ձրի միշտ օգնել է,

իսկ երբ ուրիշներն են իրեն օգնում, լալիս է: Դէ ինչ անենք՝ օգնութեան փոխարէն—օգնութիւն: Իսկ թէ շատ բան արեցինք, այդ նրանից է, որ շատոր էինք. ախր ասած է՝ միութիւնը ոյժ է. «Գիւղը կանգնի՝ գերան կ'կոտրի»... Զեր սիրուն օրինակն ու գաղափարը կաշխատենք գործով տարածել մեր գիւղերում:

Մօտ կէս գիշերին գնացին և մնացած հիւրերը: Եոր-գիւղը լոեց և խոր քուն մտաւ: Միւս օրը Վահանը դաշտ դուրս եկաւ. ամեն ինչ արւած էր այնպէս, ինչպէս ինըը կարգադրել էր:

Յատկապէս Վահանին ուրախացրեց իր ընկերների մէջ նկատած փոփոխութիւնը: Նրանք կարծես վերածնւել էին: Բոլորը ուրախ էին և համարձակ: Ամբողջ գաւառի իրանց ցոյց տւած սէրը, նրանց մէջ զարթեցը էր յարգանք, հաւատ դէպի իրենց և իրենց երջանիկ ապագան:

Ընկերները հաշւեցին և բերւած նւէրները՝ երեք հատ երինջ, երկու հատ քուռակ, տասը զառ, երկու աքաղաղ, երեսուն հաւ և վեց հատ էլ խոզի գոճի: Ապա բերել էին՝ 50 փութ գարի, 2 փութ սիսեռ, 2 փութ կտւահատ, 102 արշին քաթան, 10 կծիկ թել, և բացի դրանցից՝ բաւականին թիւտածքներ ու թթու գրած ընդեղէն:

Նոր տնտեսները եռանդով գոլիծի կպան: Նրանք ամբողջ օրը աշխատում էին դաշտերում, բակում, բանջարանոցում: Աղքատ ժամանակները, ուրիշի տներում թափառելիս, նրանք շատ

վիրաւորանքներ էին կըել։ Առաջ նրանք նախանձում էին իւրաքանչիւր չքաւոր գիւղացու, որը մի փոքրիկ հիւղ, հագուստ և մի փոքրիկ կտոր հող ուներ։ Իսկ այժմ իրանք տէր էին՝ հողի, տուն ու տեղի, գործիքների, ձիերի, եզների, կովերի և թրոշուների։ Նրանք այլևս թափառաշըջիկներ չէին, այլ հաստատուն, իսկական գիւղացիներ, իրենց տներում օրինակելի մաքրութիւն էր տիրում, մեծ ուրախութեամբ կերակրում և հոգում էին անասունների մասին։ յաճախ դաշտն էին վազում տեսնելու, թէ ցանքու ինչպէս է աճում։ Նորոգւած նոր-գիւղը աւելի գրափէ էր թւում։ Այժմ կարծես թէ արել աւելի լաւ էր տաքացնում, օդը աւելի մաքուր էր, իւր տանու հացը աւելի համեղ, աշխատանքը թեթև և անկողինը փափուկ։

Սովորաբար նոր-գիւղացիք հարևան գիւղերից աւելի վաղ էին վերջացնում իրենց աշխատանքները և երբեմն էլ նրանց գործին հասնում։ Որքան էլ որ իրենց գիւղը սիրում էին, այնուամենայնիւ սիրով գնում էին հարևան գիւղերը աշխատելու, որովհետև տնտեսութեան առաջին տարին փողի կարիք ունէին՝ գործը յաջող առաջ տանելու համար։

XV

Հիւրը.

Անցաւ մօտ հինգ տարի։ Հինգերորդ տարւայ յուլիսին քաղաքից Վահանին հիւր եկաւ նրա բարեկամ Լևոն Արամեանը։

Այդ օրը Վահանը իր ընկերների հետ խոռ էր հարում։ Կանաչ ու կարմիր խոտը խոնարհում էր հնձւորների գերանդու առաջ և ապա թոշունների թեփ նման գետին փռւում, երկար շարան կազմելով։ Մէկը միւսի ետեից շարւած երիտասարդների գերանդին հնշում էր և աշխատանքը արագ առաջ գնում։ Վահանը հնձւորների մէջ հինգերորդն էր։ 55 տարեկան հասակում նա դեռևս առոյգ էր և աւելի եռանգուն, քան 45 տարեկան ժամանակը, երբ ապրում էր քաղաքում։ Վահանը յիշեց իր քաղաքացի բարեկամ Լևոն Արամեանի ասածը, թէ՝ «զու արդէն ծերացել ես, էլ չես կարող երկրադործութիւն անել։ 45 տարեկան հասակում դժւարութեամբ կ'ընտելանաս ծանր աշխատանքի»։ «Իսկ ես, իսկապէս սկսեցի 47-ից և ընտելացայ», մտածում էր Վահանը, «այ, հիմա օրերով աշխատում եմ, և թէս յոդնում էլ եմ, բայց այդ յոդնածութիւնը նոյնիսկ գուրեկան է»։

Այդ միջոցին հնձւորներին մօտենում էր մի սպիտակ հագնւած ծեր մարդ. դա Լևոն Արա-

մեանն էր, որը իր կառքը և իրերը Նոր-գիւղում թողնելով, շտապել էր Վահանին արտում տեսնելու:

— Օ՛, այդ գնւ ես, Լևոն. վերջապէս հազիւ եկար...—ասաց Վահանը, նրան ընդառաջ գնալով:

— Բայց հօ եկայ. իսկ այս աւելի լաւ եղաւ. լաւ է ուշ, քան երբէք: Ես քեզ մօտ երկար եմ մնալու, բարեկամ. երեք օր:

Բարեկամները գրկախանւեցին և համբուրւեցին:

— Վահան, հինգ տարւայ ընթացքում գուրուրովին չես ծերացել, ասաց հիւրը:

— Իսկ զու բոլորովին սպիտակել ես, վրայ բերաւ Վահանը. Էս մաքուր օգում, սիրածա աշխատանքի մէջ, նոյնիսկ երիտասարդանում եմ:

Լևոնը բարենց և միւս բանւորներին:

Վահանը իր շնորհը հիւրին ցոյց տեսց. սա էլ փորձեց հարել, բայց տեսաւ, որ այնքան էլ հեշտ չէ, ինչպէս թւում է կողմնակի գիտութին:

Շուտով հնչեց նախաճաշի զանգը և աշխատողները վերապարձան տուն:

Նախաճաշից յետոյ արտելի անդամները գնացին չորացած խոտերը հաւաքելու, իսկ Վահանը

Լեռնին տարաւ իր ցանքսերը ցոյց տալու: Ամենից առաջ Լեռնի ուշքը գրաւեց հողէ թումբը:

— Որովհետեւ մեր հողերը հարեան գիւղացիների հետ միաժամանակ չեն ցանւում, մենք ստիպւած էինք այդ թումբը բարձրացնել, որ ալդպիսով ցանքսը ազատենք հարեանների անառունների ոտնատակ տալուց:

Զրուցելով նրանք անցան երկու արտերը իրարից բաժանող ձանապարհով, որը մօտ չորս արշին լայնութիւն ունէր և ծածկւած էր մանր խիճներով: Ճանապարհի աջ կողմը փուած էին աշխանացան ցորենի արտերը: Յանքսը հրաշալի էր, մարդաչափ բարձրացած. լիք-լիք հասկերը գլխները խոնարի ծռել էին գետին, առատ բերք խոստանալով: Ճանապարհի ձախ կողմին ցնծին էին տալիս գարու, գարնանային ցորենի և սիսեռի արտերը: Գարին արդէն գլուխ էր բռնել: Գարնանացանի կողին տարածւում էին կտւահատի ցանքսերը կապտաչեայ ծաղիկներով գարդարւած:

— Գարու արտերի տեղում կտւահատը հրաշալի աճում է, ասաց Վահանը: — Միշտ էլ առատ բերը է տալիս. կտւահատը մեզ համար բաւականին ձեռնատու է: Մենք բերել ենք տւել մի ձնչիչ մեքենայ, որով շատ լաւ տեսակի ձէթ ենք ստանում. իսկ մնացորդը (բուսպը) ենքների ու տաւարի համար. իբրև կեր է ծառայում. քուսպը նախ մանրացնում ենք, ապա խառնում

յարդի հետ և տալիս կենդանիներին, որը շատ չաղացնում է նրանց:

Բարեկամները դիտեցին միւս ցանքերը ևս: Վահանը ցոյց տւաւ և հերկերը, որ արւած էին աշնանացանի համար. հերկերի մեծ մասը աղբով պարարտացրւած էր:

— Ընդամենը որքան հող ունէք, հարցրեց Լոռնը:

— 120 գեսեատին:

— Իսկ ի՞նչ կարգով էք ցանում սերմերը:

— Ամառայ սկզբին հողը հերկում ենք, աշնանը ցորեն ենք ցանում. գարնանացանը և գարին ցանում ենք խամ մնացած կամ խոտ ցանած տեղերում. գարի ցանած տեղերը պարարտանում են և միւս տարին հրաշալի աշնանացան են տալիս. կտւահատը նոյնպէս հողը պարարտացնում է: Այսպիսով մի սերմով միւսի համար հող ենք պարարտացնում, խոտներս միշտ առատ է լինում և մեծ քանակութեամբ հող պարապ չենք թողնում:

Դաշտից վերադարձան տան մօտը գտնւած պարտէղը. այստեղ Վահանը ցոյց տւաւ իր մեղւանոցը:

Մի տարի է միայն ինչ փեթակներ ենք գնել: Արկղները մենք ինքներս ենք պատրաստել և ամենալաւ ձեի. յոյս ունեմ, որ շուտով այս ձրի աշխատող ջանասէրներից մեծ օգուտ կ'ստանանք:

XVII

Բանջարաբուծութիւն.

Ցներից ոչ-հեռու, բաւական մեծ տարածութեան վրայ փուած էր բանջարանոցը: Ոչ այնքան խորը թմբերի վրայ կանգնած էին կաղամբի մեծ-մեծ գլուխներ. բանջարանոցի մեծ մասը ծածկւած էր վարունկի թաղերով, ապա գալիս էին գազարի, դդումի, կարտոֆիլի, բաղուկի (ձակընդեղ), լոբիայի, բողկի, սոխի և զանազան կանաչեղինների. մարգերը:

Բանջարանոցը բռնում էր մօտ 5 գեպեատին տեղ և ջրւում էր մի բարակ ջրով, որը նոր գիւղի միակ մխիթարութիւնն էր:

— Ինչո՞ւ էք այսքան շատ բանջար ցանում. չէ՞ որ բոլորը դուք գործածել չէք կարող, — հարցրեց Լոռն Արամեանը:

— Բանջարեղէն բաւական շատ ենք բանեցնում. նրանցից զանազան կերակուրներ ենք պատրաստում, իսկ մնացած մասը զնում են այն գիւղացիները, որոնք բանջարեղէն չեն ցանում:

— Իսկ ինչո՞ւ չեն ցանում, — զարմացած հարցրեց հիւը:

— Գլխաւորապէս այն պատճառով, որ հընուց ի վեր բանջարանոց պահելը կանացի պարապունք են համարում. աղամարդիկ խուսափում են բանջարանոցներում աշխատելուց. իսկ կանայք ամառները սաստիկ ծանրաբեռնւած

Են լինում գործերով։ Նրանք տղամարդկանց օդնում են դաշտային աշխատանքների մէջ, երեխաների հոգմն են քաշում, կով ու ոչխար են կթում, հաց են թխում, կերակուր են պատրաստում, տունը մաքրում են ու կարգի բերում, բացքն են անում և այլն, և այլն։ Այս բոլորից յետոյ էլ բանջարեղէն տնկելու, ջրելու, քաղիանելու (խոտերից մաքրելու) ժամանակ չի մընում։ Ահա այս պատճառով բանջարաբուծութիւնը գիւղերում չի զարգանում։ Մի բանի տեղերում թէև ցանում են, բայց անխնամ թողնելով, ոչինչ չեն ստանում։ Դրա համար էլ մեր բանջարեղէնը ամեն տարի, ինչպէս ասում են, իրար ձեռքից խլում են, այնպէս որ բացի մեր գործածելը, բանջարանոցից լաւ էլ օգուտ ենք փերցնում։

XVII

Պարտէզը.

Բանջարանոցից նրանք անցան նորատունկ պարտէզը։

— Պարտէզը տնկել ենք անցեալ գարնանը, սսաց վահանը։

Պարտէզում շարէշար տնկւած էին զանազան պտղատու ծառեր՝ խնձորի, ծիրանի, սալորի, կեռուսի, բալի, տան կողքին՝ լնկուղենինը. նորատունկ ծառերի արանքում երեւում էին դա-

դարի, ճակրնդեղի, կարտոֆիլի տունկեր։ Պարտէզի հոգը լաւ փափկացրած էր և խոտից մաքրած։ — Էս լաւ է, եղբայր. դու ձեր բաւականութեան մասին էլ ես մտածել... շատ գովելի է, ասաց Լեոնը։

— Սյո, ծառերը մեծ հաճոյը են պատճառում։ Ամառայ շոգին հրաշալի է լինում պարտէզում մի քիչ հանգստանալը. թէ հով է լինում և թէ օգը մաքրուր. իսկ երեխաների համար հօդրախսի է։ Ամառայ շոգին նրանք արաւոտից մինչև երեկոյ խաղում են ծառերի սուերներում։

— Զեզ, ամուրի մարդկանցդ, երեխէք որտեղից են։

— Ամառը և ձմեռը շատ երեխաներ են հուաքւում մեղ մօտ։ Այ, լսեմ ես, հենց հիմա էլ ձայները գալիս են։

Իրաւ, հեռւում լսւում էին երեխաների կենդանիի և խառնիխուուը ձայներ։

XIX

Գոմը.

Պարտէզից յետոյ բարեկամները նայեցին նաև գոմը. նա գտնւում էր եղբայր կարապետեանների բակում, բայց ի հարկէ բարեփոխւած։ Շէնքը սկսւում էր գետնից մի քիչ բարձր և ոչ ներքնայարկ. պատերը քարից էին շինւած

և ունէին լուսամուտներ: Կտրանը կային օդանցք-
խողովակներ՝ փշացած օդը և աւելորդ տաքու-
թիւնը դուրս կալու համար: Պատերը մաքուր սը-
ւաղած էին:

Առողջ և պարարտ եղները կանգնած էին
մսուբների մօտ և հանգիստ որոճում էին. միւս
կողմը կապած էին կովերը. գոմի մի մասը յատ-
կացրած էր խոզերին:

Կենդանիների գոմի մաքրութիւնը Լեռնի
ուշքը գրաւեց:

— Կենդանիների և գոմերի մաքրութիւնը
մեր գիւղացիների համար երկրորդական բան է,
ասաց Վահանը. իսկ ես, ընդհակառակը, դրա
վրայ ուշագրութիւն եմ դարձնում, որովհետև
այդ ձեռվ կենդանիների ոյժն ու առողջութիւնը
տեղն է մնում: Իսկ եթէ եզը առողջ է, մի քանի
անդամ աւելի լաւ է աշխատում և կովը կըրկ-
նապատիկ կաթ տալիս, ձագերն էլ արագ են
մեծանում և աւելի լաւն են դուրս դալիս:

— Բայց ինչու տաւարը հիմի էլ գոմումն
էք պահում, արածելու չէք ուղարկում:

— Այս ամառ մենք արօտատեղիներ չունենք:
Երկու արօտատեղիներն էլ վարեցինք. խոտհարք-
ները գեռ չենք հարել և հիմի այդ տեղերը կեն-
դանիներ ուղարկել չի կարելի, ամբողջ խոտը
կիշացնեն: Մենք առայժմ տաւարը գոմումն ենք
պահում, մասսամբ խոտով ենք կերակրում, մա-
սամբ գարմանով և առհասարակ ինչոր ճար-
ւում է:

Ապա Վահանը ցոյց տւեց ոչխարի գոմը:
Նա պատմեց, որ ամառը գիւղում բաւական չոր-
է լինում, որին ոչխարը չի գիմանում: 6—7
Ժամեայ հեռաւորութեամբ, նրանք մի սարատեղ
(արօտատեղի) են կապալով վերցնում և մայիսի
կէսերից սկսած ոչխարը հովելի և մի քանի կա-
նանց ու երեխաների հետ սարը ուղարկում: Սա-
րումն են գտնելում և մանր-մունր տաւարը: Գիւ-
ղում մնացած կովերի կաթը հազիւ բաւականա-
նում է ուտելու համար: Ասաց, որ գնել են մի
սերգատ և պանիր պատրաստող մեքենայ, որոնց
պատրաստած իւղն ու պանիրը ոչ միայն իրենց
է բաւականացնում, այլև մեծ քանակութեամբ
ծախում են:

Ապա պատմեց, թէ ինչպէս իրենց տանից
հասցրած արջանները, ձիու քուռակները կամ ոչ-
խարը ամբողջ գաւառում գովւած է*): Նրանք
այս կենդանիները տալիս էին իրենց այն ան-
դամներին, որոնք առանձին տնտեսութիւն էին
սկսում: Ամեն մի հեռացող ստանում էր՝ մի
զոյգ եղ, մէկ կով, մէկ արօր և փոցի: Աթելի
անդամների կարծիքով այսքանը բաւական էր
նոր տնտեսութեան հիմք դնելու համար:

*.) Հարկաւ, մենք ոչ մի միջոց չենք խնայում ամենալաւ ցու-
լերը ձեռք բերելու, անտառունների տեսակն աղնւացնելու համար,
որի վեց բութովին ուշագրութիւն չեն դարձնում մեր գիւղացիք,
և այդ պատճառով բութովին այլասերւած են մեր անտառն-
ները:

Արհեստանոցներ եւ արհեստներ.

Վահանը հիւրի հետ զբոյց անելով անցաւ դարձնոցը:

— Դարբնութիւնը փոքր գործ է, սակայն ամեն մի գիւղի անհրաժեշտ, ասաց Վահանը: Երբեմն մի փոքրիկ բան է կոտրւում, գէ արի ու նրա համար 10—15 վերստ ձանապարհ կրտքի, հարեւն գիւղը գնայ, որ շինել տառ: Շատ անգամ ամենաչնչին բանի համար օրեր ես կորցնում: Մի տարի դարբնոց չունէինը, շատ զբարութիւն կրնցինը, Դարբին էլ հօ պատահաբար ճարւեց:

— Ո՞գ է նա, ո՞րտեղից ճարեցիք:

— Հիմի մեր ընկերներից մօտ տասը հոգի գիտեն այդ արհեստը, իսկ նրանք սովորել են մեզ մօտ եկած մի դարբին-երկաթագործից: Հրաշալի վարպետ էր, բայց գինի շատ էր սիրում: Մի շաբաթ մեզ մօտ ապրեց, քէֆն եկաւ, ինքն առաջարկեց դարբնոց շինել և սկսեց կոտրտւած բաները նորոգել: Յետոյ սկսեց գութաններ շինել, որի նմուշը մենք բերել էին քաղաքից, արօրի խոփեր թափիել: Շուտով սկսեց և քամիշներ շինել. իսկ հիմա մտադիր է կալսող մեքենաներ շինել: Երեք տարի է, որ մի կաթիլ գինի չի խմել, մտել է մեր արտելի մէջ և մտադիր է մինչև մտնչել մեզ մօտ մնալու:

Դարբնոցից յետոյ դիտեցին ձիթահանքը: Ձիթահանքում ծեծում ենք թէ մեր և թէ ուրիշների կտւահատը, փոխարէնը քուսպը ստանալով, որ տաւարին հրաշալի գերացնում է: Բացի զբանից ունենք և մի աղիւսի գործարան, որից հարեւն գիւղերին էլ աղիւս ենք մատակարաբում:

— Ուրեմն գուք բացի հոգագործութիւնից, բաւականաչափ պարապում էք և արհեստներնիվ:

— Այն, ձմեռը արհեստներով ենք ապրում: Մեր եկամտւափ մէկ երրորդը ստանում ենք հոգագործութիւնից, իսկ մնացած երկու երրորդը՝ արհեստներից: Ուրիշ կերպ գլուխ պահել չէ լինի: Մեր կողմերում ձմեռը բաւական երկար է և այդ ժամանակամիջոցը մեզ համար իգուր է կորչում:

— Հապա այն գիւղացիները, որ արհեստով չեն պարապում, ուրիշի մօտ աշխատանքի չեն դնում, ինչպէս են ապրում:

— Մեծ մասամբ վատ են ապրում, առաւելապէս անբերը հողի վրայ բնակւողները: Հենց բերրի հողի վրայ էլ լաւ չես ապրի, եթէ երեք օրւայ փոխարէն մի օր աշխատեա: Մենք այս հինգ տարւայ ընթացքում կարողացանք գործներակարգի բերել և մի քիչ աւելի լաւ ենք ապրում, միայն նրա համար, որ բացի հոգագործութիւնից՝ պարապում ենք նաև արհեստներով, ուրեմն և աշխատում ենք ամբողջ տարին անընդհատ, թէ մեզ և թէ ուրիշների համար:

— Հետաքրքրական է իմանալ, թէ էլ ու-
րիշ Բնչ արհեստներով էք պարապում, բացի մեր
տեսածից:

— Է՛, շատ բաներով. Ներկարարութեամբ,
կը աւ գործելով, պարաններ մանելով, ստնաման-
ներ կարելով, հազուսա և սպիտակեղէն պատ-
քաստելով, ծառի կեղեից և ուռից կողովներ
և զամբիւդներ հիւսելով, յարդից գլխարկներ
գործելով. շինում ենք նաև՝ աթոռներ, լուսա-
մուտի շրջանակներ, ապակիներ ենք բցում տե-
ղը, յատակներ ենք շինում և այլն:

— Ինչու էք ամեն արհեստի էլ ձեռնար-
կում. Աւելի լաւ չէ մէկը-երկուսը ընտրէք և
նրանով լուրջ զբաղւէք. այն ժամանակ աւելի
լաւ կ'կատարելագործէիք արհեստը:

— Ճիշտ է, այդպէս աւելի լաւ կլինէք. Օ-
րինակ բոլորս էլ նստէինք ոտնամաններ պատ-
քաստէինք. ապագայում գուցէ մի որևէ արհեստ
ընտրենք: Մեր այժմեան ձեին դիմել ենք ակա-
մայից, ստիպւած: Իրար գլխի հաւաքւել էինք
դանագան տեսակի մարդիկ՝ ծեր ու ջահէն, կին
ու տղամարդ: Շատերը ծոյլ և անբան էին, մու-
րալու կամ օրավարձով օրը մթնացնելու սովոր:
Գէտք էր իւրաքանչիւրին տալ՝ հեշտ, իրենց
ցանկացած, ծանօթ, միւնոյն ժամանակ օգտա-
ւէա աշխատանք: Այս պարագաներում ծոյլերն
էլ առանց որոշ ստիպման աշխատում են. և երբ
չեշտ բաներով ընտելանում են աշխատանքի,

անցնում են աւելի բարդ և դժւար գործեր կա-
տարելուն:

Այսպիսով մարդիկ աննկատելի կերպով ըն-
տեղանում են աշխատանքի և արհեստ են սո-
վորում:

— Ուրեմն դուք ճիշտ այնպէս էք վարւում,
ինչպէս դպրոցում ուսուցիչները: Նրանք սկսում
են հեշտից և պարզից, ապա անցնում են դը-
ւարին և բարդին: Բայց չէոր ձեզնում չափահաս
մարդիկ են:

— Իմ կարծիքով հասակաւորին գործի ըն-
տեղացնելը, դէպի աշխատանք գրաւելը դու-
ցէ աւելի դժւար է, քան փոքրերին...—պատաս-
խանեց Վահանը: Եւ վատ չէր լինի, եթէ մեր
դպրոցներում երեխաններին հենց փոքրուց ար-
հեստներ սովորեցնէին, կամ բացւէին տարրա-
կան արհեստագիտական դպրոցներ, որով մեծ
զարկ կտրւէր արհեստների զարգացմանը:

XXI

Բնակարանները.

— Զէք ցանկանում արդեօք հիմի էլ մեր
բնակարանները տեսնել, հրաւիրեց Վահանը հիւ-
րին:

Մեծ տան առաջ, միմեանցից փաքրիկ պար-
աէզներով անջատւած, շարւած էր ութ տուն: Նրանք մտան առաջին տունը: Մենեակն ունէր

Եօթ արշին երկարութիւն, վեց արշին լայնութիւն և հինգ արշին բարձրութիւն. ունէր հինգ լայն և բարձր լուսամուտներ. մէջ տեղից միջնորմով բաժանւած էր երկու մասի. երկու անեակն էլ տաքանում էր աղիւսից շինած մի վառարանով: Տնակը պարզ էր, ինչպէս գիւղացու սովորական խրճիթը. միայն ամեն ինչ մաքուր էր և հաստատուն^{*)}: Այս տանը նրանք պատահեցին մի կնոջ, որի ձեռքը ցաւում էր և աշխատել չէր կարող: Ամուսինը 18 ամեայ տղայի և 13 ամեայ աղջկայ հետ օգնում էր խոտ հարողներին, իսկ փոքր աղջիկն ու տղան միւս երեխանների հետ միասին գտնւում էին ընդհանուր—մեծ տանը: Ընտանիքը տարւայ ընթացքում ճաշում էր ընդհանուր սեղանատանը: Ամառը և ձմեռը հասած երեխանները միւսների հետ միասին աշխատում էին. ձմեռը տանը մնում էին միայն 3 տարեկան տղան և 5 ամեայ աղջկը: Մարդ ու կին ոտնաման կարողներ էին և դարձեալ տանն էին աշխատում: Իսկ ամառները ամբողջ ընտանիքը միայն երեկոներն էր միասին հաւաքում

Միւս տներումն էլ ապրում էին 2—4 և աւելի անդամ ունեցող ընտանիքներ:

— Ընտանիքներն ինչու են հաւաքւել ձեզ

^{*)} Տները շինած էին քարէ, հիմքի վրայ, պատերը աղիւսից էին, իսկ տանիքը կղմինարով, ծածկւած: Վահանը պատմում էր, թէ կը շաղմիը կազմած է՝ 3 մասը աւաղց և 1-ը մնջուր կրից՝ որի պատճառով և պատերը ճուղած: քարի նման պինդ են, չոր ու տոռջարար:

մօտ, չէ որ նրանք կարող էին և իրենց գիւղերում ապրել:

— Սրանք բոլորն էլ չքաւոր ընտանիքներ են: Դրանք կամ հացի պակասութեան, կամ դժբախտութեան և կամ բազմաթիւ երեխաններունենալու պատճառով զրկւել են եզներից և անսառներից: Մի քանիսը բոլորովին հողերից ձեռք են վերցրել, միւսները հարեւաններին մի քանի տարի ժամանակով կապարով են տւեր, ումանք էլ թողել են հասարակութեան: Հողից զրկւելով, տղամարդիկ և կանայք սկսել են շըշջել և ուրիշների մօտ աշխատել, կամ թէ քադարի գործարանները գնալ: Շատերը ստիպւել են ընտանիքից կտրւել: սակայն այդ կեանքը նըրանց ծանր է թւացել: Նրանք նորից ձգտել են դէպի հողը, դէպի գիւղը: Բայց դատարկ ձեռքով հողը ինչիդ է պէտք: պէտք են՝ եզներ, ուրիշ կենդանիներ, գործիքներ, շէնք, սերմ՝ ցանք ու տնտեսութիւնն սկսելու համար: Ուրիշների մօտ բանուրութիւնն անելով այդպիսի մարդիկ ոչինչ յետ քցել չեն կարողանում:

— Բայց ինչու, մի քանիսի ասելով, նրանք քաղաքի գործարաններում աւելի շատ են ատանում:

— Ճիշտ է, մի քանիսը լաւ են ստանում, բայց լաւ էլ ծախսում են, տեղը ոչինչ չի մնում: Այ, երբ այս հողը կապարով վերցրինք, իր տեղում մնաց ինչն հողատէրերից Տիգրան Մատուկեանը իր ընտանիքով: Նա ապրեց իր հին տակեանը իր ընտանիքով:

նը, բայց միւս բոլոր բաներում բոլորի հետ հաւատար է։ Ծառուկեանի օրինակից մենք տեսանք, որ մեզանում կարող է ապրել և ընտանիքով մարդը. և երբ ուրիշ ընտանիքատէրեր էլ ցանկութիւն յայտնեցին, մենք նրանց էլ ընդունեցինք։ Միայն թէ ընդհանուր տանը նրանց ապրելը անյարմար էր. հենց դրանց համար էլ շինեցինք այս փոքրիկ շէնքերը։

— Իսկ ինչու կարապետեանների աներում չ'ապրեցիք։

— Այդ տները շատ անյարմարութիւններ ունէին. փոքր ընտանիքների ապրելու համար շատ մեծ էին, իսկ ընդհանուրի ապրելու համար ոչ մէկը յարմար չէր. Բացի դրանից իրոնաւ էին և շատ ցուրտ ու հակառողջապահական։ Մի չորս տարի ապրեցինք և լաւ հիւանդացանք։

Բակի մէջ տեղից բարեկամները գնացին դէպի մեծ տօւնը։ Սա երկյարկանի էր և բաւական բարձր։ Վերին յարկում կար մի բաւական մեծ սինեակ, որը ձմեռը, լի օրերը, ծառայում էր իբրև դպրոց, իսկ տօն օրերին այդտեղ լինում էին ընթերցանութիւններ մոգական լապտերով։ Այստեղ էին տեղի ունենում նաև արտելի անգամների շաբաթական ընդհանուր ժողովները, ուր և վճառում էին նոր-գիւղի ընդհանուր գործերը։

Վերին յարկում կային չորս հատ փոքր սենեակներ ևս. դրանցից մէկում ապրում էր Վահան Զաքարեանը, միւսում աշխատում էր ար-

տելի գրագիրը, երրորդը ծառայում էր իբրև գրադարան, իսկ չորրորդում պահւում էին երեխանների պարապմունքներին վերաբերող անհրաժեշտ դասական իրեր։

Մեծ շէնքի երկու ծայրերում ամուրի մարդկանց և կանանց ննջարաններն էին, իսկ մէջտեղը ծառայում էր իբրև ճաշարան. այստեղ աշխատում էին նաև ձեռարւեստով պարապողները։

Խոհանոցը առանձին շէնք ունէր. շէնքը քարեայ էր և մեկուսի, միայն միջանցքով միանում էր սեղանատան հետ։

Տնից ոչ-հեռու գտնուում էին մառանը և պահեստատունը։

Տնտեսութիւնը դիտելը այնքան երկար տևեց, որ Վահանն ու հիւրը զրկւեցին ուղիղ ժամի երեկուսին տեղի ունեցող ընդհանուր ճաշից. սրանք որպէս ուշացածներ առանձին ճաշեցին։

XXII

Փոխառութիւն

Ճաշից յետոյ Վահանը հիւրի հետ նստեց տան. առաջի ուռիսների պատերում։ Արևը մայր էր մտնում. շոգն արդէն անցել էր. թըռչուններն ու գեռունները գոյւթնում էին իրենց աղմուկով։

— Ի՞նչ լաւ է այստեղ, ասաց Լևոնը։ Ա-

կայն երբ հինգ տարի սրանից առաջ քաղաք ե-
կար այս հողի կապալի համար աշխատելու, և
չէի հաւատում քո արտելի յաջողութեանը: իսկ
հիմա ասում ես, ձեր գործերը լաւ են գնում:

— ի հարկէ:

— Սակայն ինձ ամենից աւելի զարմա-
ցնում է այն, որ դուք առանց սեպհական միջոց-
ների յաջողեցրիք այս բոլորը, տուն ու տեղ
դրիք, կենդանիներ և գործիքներ գնեցինք:

— Այդքան էլ անփող չէինք: Նախ՝ հենց ես
ինքս ունէի 140 ըուբլի, որով և գնեցի կարա-
պետանների տներն ու սարք ու կարգը. ուրիշ
պայմաններում այդ կալւածքը արժէր 300 ըուբ-
լուց աւելի: Երկրորդ՝ ընկերներս տւեցին իրենց
յետ դցածները՝ 183 ըուբլի 75 կոպէկ: Երրորդ՝
մեր գիւղը շնորհաւորելու եկողները բերեցին
զանազան իրեր, կենդանիներ մօտ 150 ըուբլու.
այդ նշանակում է հենց սկզբից մենք ունեցել
ենք 500 ըուբլի դրամագլուխ:

— Այնուամենայնիւ շատ չնչին դրամա-
գլուխ է այդ:

— Գիւղի համար դա մեծ հարսաութիւն է:
Սակայն ամենից աւելի մեզ օգնեց փոխառու-
թիւնը: Մեզ պէս չքաւոր մարդկանց համար փո-
խառութիւնը մեծ բարիք է: Ես նոյն իսկ համոզ-
ւած եմ, որ եթէ բոլոր չքաւորներին իր ժամա-
նակին փոխարինաբար օգնութեան համնէին, նը-
րանց երեք քառորդ մասը թշւառ դրութեան մէջ
չէր ընկնի: Խօսեցրէք նրանց և կիմանաք, որ

նրանք աղքատացել են կամ հրդեհից, կամ ան-
բերիութիւնից, կամ լծկան կենդանիների համա-
ճարակից և ուրիշ այսպիսի պատահականութիւն-
ներից ու անսիրտ վաշխառուներից. սակայն ե-
թէ օգնութեան համնող լինէր, նրանք կարող
էին շատ շուտով ոտքի կանգնել: Իսկ մենք փո-
խառութիւնից լաւ ենք օգտւել: Հողը ապառիկ
կապալով վերցրինք և փողը վճարեցինք բերքը
վերցնելուց յետոյ: Իսկ այդ տարւայ գարնանա-
ցանը հրաշալի պառաղ տւաւ: Փողի մի մասն էլ
դու տւեցիր և այն էլ հինգ տարով:

— Պէտք է ասեմ, որ ես փողը տւել եմ
իբրև նւէր այդ լաւ ձեռնարկութեան համար:

— Ի զուր: Բացի այդ՝ սերմը բերեցինք
քաղաքի գիւղատնտեսական պահեստից. նոյն ըն-
կերութիւնից բերեցինք երկրագործական ան-
հրաժեշտ գործիքներ:

— Որքան ինձ յայտնի է, դուք ձեր պարտ-
քերը իր ժամանակին վճարում էք և հիմա շատ
քիչ է մնում:

— Այո, մենք հետևում ենք ժողովրդական
այն առածին, որ ասում է՝ «մեղքը լալով, պարաքը
տալով»: Սակայն վճարելը չի նսեմացնում փո-
խառութեան տւած մեծ օգուտը և այն էլ եր-
կար ժամանակով տւած փոխառութեան:

— Երկար ժամանակով վերցրած փոխառու-
թիւնը ինչնիվ է լաւ:

— Մեզ համար կէս տարով և նոյն իսկ մի
տարով փոխառութիւն անելը միանգամայն ձեռն-

տու չէ։ Վաճառականի նման մեր դրամագլուխը տարեկան մի քանի անգամ շրջանառութիւն չի անում։ Միայն մեր սերմերի մէջ դրւած դրամագլուխը, և այն էլ յաջող տարում, վերադարձնում են՝ գարնացանը—5, իսկ աշնացանը—12 ամսից յետոյ։ Հողագործութեան տընտեսութեան միւս նիւթեղէններն ու իրերը դրամագլուխը վերադարձնում են երկար տարիների ընթացքում։ Մեր փոխառութիւնները կնքում էինք հինգ տարուց ոչ պակաս և եթէ պարտք մէջ չխրեցինք, որովհետև գնած իրերը շատ խիստ էինք շահագործում։

— Իսկ հիմա շատ պարտք ունէք։

— Ոչ. պարտքներս թեթևացրել ենք. մնացած պարտքն էլ բաւական շահաւէտ ենք օգտագործում. օրինակ՝ տարեկան 6 տոկոսով փոխառած փողով մենք ձիթհան մեքենայ ենք բերել տւել, որը տասից աւելի տոկոս է տալիս մեզ։ Նոյնը և աղիւսի փուռը։ Եթէ այդ փոխառութիւնը չինէր, վաշխառուները մեր կաշին կ'քերթէին ոչ թէ 6, այլ 60 տոկոս առնելով։

— Տես է, ինչ լաւ հաշւով մարդ ես դարձել։ Կոպէկ-կոպէկ հաշիւ ես անում. իսկ առաջ, յիշում եմ, ստանում ու ծախսում էիր առանց հաշիւ։

— Հաշիւ պահելը գիւղացիներից սովորեցի։ Աշխարհում սրանցից հաշւով մարդ չես գտնիւ։ Նրանք ամեն մի կոպէկը հաշիւ տակ են դնում և վրան դողդողում։ Կանայք հօ աւելի հաշւով

են. միայն թէ նրանց հաշւատեսութիւնը շատ չնշին է, շնորհիւ խորը տգիտութեան։ Ես էլ ստիպւած եմ հաշւով լինելու, քանի որ ամեն շաբաթ ընդհանուր ժողովին հաշիւ եմ տալիս։ և ապագայ ծախքերի հաշւեկշիռ ներկայացնում։ Իսկ հասարակական գործի մէջ ամեն կոպէկ պէտք է հաշւի մէջ մտնի և գնահատուի։

— Միթէ քո ընկերները այդքան կասկածու են, հարցրեց Լևոն Արամեանը։

— Բանը կասկածուութիւնը չէ. բանն այն է, որ հասարակական գործի մէջ մանրազնին հաշւետութեան դէպքում միայն գործերը կ'ընթանան առանց թիւրիմացութիւնների։ Դրամական հաշիւներում մի փոքրիկ մթութիւնը ահազին դժգոհութիւնների առիթ է տալիս։

— Իսկ աւելի լաւ չէր լինի, որ ամբողջ տնտեսութիւնը ձրի կամ նւիրւած լինէր։

— Աստւած մի արասցէ։ Ես հաւատացած եմ, եթէ մեր ստացւածքը նվիրւած լինէր, մենք երկու տարի էլ միասին չէինք ավլու։ Պարտքերը թէս մեզ ծանրաբեռնում, բայց միննոյն ժամանակ շաղկապում էին։ Պարտքը վճարելու հոգոր մեզ աւելի մօտեցնում էր, աւելի եռանգով ու սիրով էինք աշխատում։ Սրա հետ միասին մենք խորը գիտակցում էինք, գիտակցում ենք և ապագայում էլ կը գիտակցենք, որ ոչ թէ ողորմութեամբ և բարեգործութեամբ, այլ միմիայն մեր սեփական աշխատանքով ենք հասել և հասնելու ենք էլ աւելի բարեկեցիկ և անհոգ դրու-

թեան... Այդ զիտակցութիւնը թէ անցեալում և թէ այժմ մեզ ոյժ է ներշնչել: Ճիշտ է, առաջին օրերը գիւղացիները մեզ ձրի օգնութեան եկան. այդ օգնութիւնը իրօք մեզ անհրաժեշտ էր, որովհետև մենք լծկան և գործիքներ չունէինք: Այն, մեզ օգնեցին: Այստեղ այդպիսի օգնութիւնները սովորական բաներ են: Այդ մեզ համար ստորացուցիչ չէր: Այժմ էլ մենք, երբ հրաւէր ենք ստանում, մեծ սիրով օգնութեան ենք գնում:

Նոյնը պէտք է ասել և շնորհաւորելու բերած նւէրների մասին: նւէրները սիրոյ նշան են: Մենք էլ ուրիշներին ենք տանում: Զրի օգնութեան և շնորհաւորութեան նւէրները—դրանք փոխադարձ օգնութեան հին ձևերն են միայն:

— Իո ընկերներն էլ այդպէս են մտածում:

— Այն, ճիշտ այսպէս...

— Ուրեմն շատ հպարտ էք...

— Սա, ընկեր Լևոն, հպարտութիւն չէ, այլ միայն ինքնագիտակցութիւն, որ մեզ՝ անսապատաններիս թանդ է և անհրաժեշտ: Նա հարստութիւնից բարձր է և մեզ համար այն ոյժն է, որի միջոցով մենք ձեռք բերինք ապահով վիճակ և որ գլխաւորն է՝ կղառնանք միանգամայն գիտակից և ինքնուրոյն մարդիկ:

XXIII

Կա՞ն հարբեցողներ.

— Հետաքրքրական է, այդ ընտանիքներից զատ, էլ ով է ապրում ձեր արտելում, հարցը եց լեռնը:

— Մեզ մօտ ապրողները մեծ մասամբ մենակ, որբ մարդիկ են: Նրանցից ոմանք մինչեւ մեզ մօտ գալը պատսպարւում էին իրենց ագգականների մօտ, միւսները սրանլա մօտ մշակութիւն անելով էին գլուխ պահում: Մեծամասնութիւնը մուրը էր միայն: Բացի որբիկներից, մեզ մօտ ապրում են նաև հասակն առած անտունանտէր մարդիկ՝ այրիներ—կին թէ մարդ—երբէք չամուսնացածներ: Դրանցից մի քանիսը սկզբում ընչազուրկ մարդիկ էին, միւսները—հարբեցողներ:

— Լսել եմ նոյնպէս, որ ձեզնում խմիչքներ երբէք գործ չեն ածում:

— Այո, մենք չենք խմում: Մեզ մօտ գալիս են թունդ հարբեցողներ և դադարում են խմելուց. վեց հոգուց միայն մէկը չկարողացաւ ձեռք քաշել խմելուց և հեռացաւ մեզնից:

— Ուրեմն գու հարբեցողներին էլ ես ուղղում:

— Ճիշտն ասած՝ նրանց օգնում է մեր արտելի կենցաղը, իսկ ես միայն աշխատում եմ խորհուրդներով ազդել նրանց վրայ: Ինքդ լաւ գիտես,

որ ես էլ էի խմում և իմ բոլոր ծանօթներն և բժիշկները ինձ համարում էին անբուժելի հիւանդ, մի կորած մարդ։ Այս կարծիքը աւելի հաստատուն էր թւում, մանաւանդ որ իմ հարբեցողութիւնը ժառանգական էր։ Այն ժամանակ ես ինքս բժշկեցի ինձ, իսկ հիմա ուրիշներին եմ բժշկում։ Մեզանում այդ շատ հեշտութեամբ է կատարում։ Շրջակայքում գինի, օղի մօտ 10 վերստ հեռաւորութեան վրայ չես գտնի։ Հարբեցողը սկզբում կամ իմ կողքի սենեակումն է բնակւում, կամ պարտաւորեցնում եմ ամեն օր գալ մօտաւ։ Մզգում ես նրան յայտնում եմ ալկոհոլի մասին եղած բոլոր տեղեկութիւնները, ապա պատմում եմ նրա յատկութեան, նրա մեծ կամ փոքր չափով մարդու վրայ թողած վնասակար ազդեցութեան մասին և այդպիսով բացատրում ալկոհոլի բոլոր թերութիւններն ու առաւելութիւնները։ Ի հարկէ առաւել կողմեր առհասարակ չի գտնուում, իսկ վնասակար—ինչքան կուզես։ Եւ համարեաթէ բոլոր հարբեցողները, դրանից յետոյ, գալիս են այն եզրակացութեան, որ՝ չպէտք է խմել։

— Այդպէս պարզ և արագ։

— Ոչ, այդ աւելի նրանց շտապողական եզրակացութիւնն է, այլ ոչ թէ որոշումը։ Սակայն այդ բոլորը բժշկութեան նախաբանն է, առաջին աստիճանը։ Հարբեցողը անպայման հենց առաջին առիթ եղած դէպքում էլի խմում է։ Բայց նա կամաց-կամաց սկսում է խղճահարւել։ Մի քանի օր անընդհատ նա ուրիշ տեղ

խմում է և տուն է վերադառնում հարբած։ Ես թողնում եմ, որ նա ուշքի գայ։ Մի քանի օր յետոյ մենք նորից ենք խօսում ալկոհոլի, հարբեցողութեան մասին և այն էլ ամբողջ շաբաթներով։

— Հապա այդ քեզ կամ հարբեցողին չի ձանձրացնում։

— Բոլորովին։ Հարբեցողը, ինչպէս ևմիւս հիւանդները, սիրում են խօսել իրենց հիւանդութեան մասին։ Բայց բժշկութեան այս երկրորդ շրջանում հարբեցողը ինքն է սկսում վաստեր որոնել, որ իրօք ալկոհոլը վնասակար է և քայըքում է մարդու առողջութիւնը, սատախօս դարձնում դէպի ամեն տեսակի յանցանքները, բթայնում բանականութիւնը և վերջապէս բարոյապէս ու նիւթապէս կազմալուծում։

Ապա քննելով մարդու կամքի ոյժը, հարբեցողը համոզւում է, որ բոլոր մարդիկ, ինչպէս և ինքը, կարող են յաղթել ալկոհոլին, եթէ միայն ցանկանան։ Եւ ահա նա խօսք է տալիս՝ երբէք չխմել։

— Բայց տւած խօսքը պահում է։

— Ոչ։ Այդ խոստումը բժշկութեան երկրորդ շրջանի նշանն է և ցոյց է տալիս, որ հիւանդը կարող է առողջանալ։ Շուտով գալիս է և բժշկութեան երրորդ շրջանը։ Այժմ հիւանդը կարծես թէ սկսում է ճանաչել ինքն իրան, իր ընդունակութիւններն ու ոյժերը, որոնց համեմատում է իր խմելու թուլութեան հետ։ ապա հետզհետէ իր խմելու թուլութեան հետ։ ապա հետզհետէ իր մէջ գտնում է լաւ յատկութիւններ։

որոշում է օգտւել նրանցից, օգնել իր մօտիկ-ներին և առհասարակ բոլոր մարդկանց։ Սա բժըշկութեան ամենաէական և միաժամանակ ամենադժւար և տեսական միջոցն է։ Այդ շըջանում ալկոհոլի և հարբեցողութեան մասին մենք քիչ ենք խօսում։ Ես միայն պատասխանում եմ նրա հարցերին։ Հարցերի ժամանակ միայն ընթացք եմ տալիս նրա մտքերին և հետևում եմ նրանց փոփոխութեանը։ Հարբեցողը առողջանում է։ Նա այժմ չի երգում, խօսք չի տալիս, այլ ուղղակի չի խմում։

— Գուցէ ձեզնում թողնում են խմելը, որովհետեւ դա արգելւած է։

— Ոչ. մենք այդպիսի արգելք չենք դրել։ Ցանկացողը կարող է դուրսը, ուրիշ տեղ խմել։ Կարող են և գնել։ Բայց մենք հենց սկզբից որոշեցինք ոչ որի դիմով չհիւրասիրել. այդ օրից գինին և օղին մեզնում չեն գործածում և կորցրել են իրենց յարգը։ Այստեղբժշկութեան գործում մեծ դեր է խաղում շըջապատը. մինչեւ իսկ ժառանգական հիւանդը եթէ զրկվի խմողների շըջանից, նա կարող է առհասարակ չհետեւ ոգեմոլութեան ախտին։

— Բայց ի՞նչպէս։

— Արտելի հիմնելու առաջին օրերում երկու շաբաթը մի անգամ, շաբաթ օրերը, ալկոհոլի մխասակարութեան մասին կամ որևէ գիրք էր կարդացւում կամ հարբեցողութեան մասին զրոյց էինք անում։ Ընկերները շուտով բոլորովին

թողին խմելը։ Նոր անդամները տեսնելով, որ մենք չենք խմում, սկզբում իրենք քիչ - քիչ խմում էին, բայց յետոյ բոլորովին թողնում։ Զրոյցներն ու ընթերցանութիւնը մեծապէս նպաստում են այդ բանին։ Ընկերները չեն խմում, բոլորը վճռում են գինուց հեռու լինել և շատ անգամ խմել ցանկացողին գայթակղութիւնից ազատում են։

— Բայց ի՞նչո՞ւ դուք կտրուկ ձեռվ չէք արգելում խմելը կամ հարբեցողութիւնը։

— Այդպիսի արգելքը մեղ հակառակ հետեւանքի կհասցնէր, ասաց Վահաննը։ Այն ժամանակ խաբեբայ մարդիկ կաշխատէին թագուն խմել, իսկ հակառակել սիրողները կխմէին հենց միմիայն նրա համար, որ արգելւած է. չէ որ «արգելւած պառողը քաղցր է լինում»։ Անա երկու տարի է, որ մեր ժողովներում խօսք է լինում և ծխախոսի մասին։ Սակաւ ծխողները շուտով կարողացան թողնել։ Շատ ծխողներն էլ հետզետէ սկսեցին թողնել։ Ներկայումս միայն երեք մարդ է ծխում, գուցէ և նրանք էլ շուտով թողնեն։ Իմիջի այլոց ասեմ, որ երկու հոգի էլ քթախոտ են ծխում, այն սխալ համոզումն ունենալով, որ իբր թէ դա նպաստաւոր ազգեցութիւն ունի աչքերի տեսողութեան վրայ։

Արտելի ստացւածքը.

Միւս օրը Լևոն Արամեանը վեր կացաւ ժամը 10-ին: Վահանն արդէն վեր էր կացել, մի քիչ աշխատել, նախաճաշել և հիւրի համար էլ պարտիզում թէյ պատրաստել: Թէյի ժամանակ Լևոնն ասաց.

— Հաւ քնեցի, ախպէր, հրաշալի օդ է: Երեկոյեան երկար ժամանակ չկարողացայ քնել և շարունակ ձեր Նորդիւղի մասին էի մտածում: Նա հրաշալի կազմութիւն ունի: Ամենուրեք տիրում է կարգ ու կանոն: Զնայած բնակիչների քանակին և խայտաբղէտութեանը, աշխատանքը համերաշխութեամբ առաջ է գնում: Իսկապէս ինչ է իրանից ներկայացնում ձեր այս գիւղը. նա մի փոքր նմանում է աշխատանքի տան, սակայն այն տարբերութեամբ, որ դուք ինքներդ էք գործի տէրը և բացի այդ ոչ միայն բարեգործներից ոչինչ չէք ստանում, այլ և ինքներդ էք բարեգործութիւն անում: Մասնաւոր կալւածի նման էլ չի ձեր գիւղը, որովհետեւ ամեն ինչ համայնական է: Կազմով և աշխատանքի տեսակով գիւղացի էք, իսկ կարգ ու կանոնով՝ մի տարբեր բան: Գիւղում ամեն տնատէր ունի իր առանձին կտոր հողը, իր տնակը, կենդանիները, արօրը և այլն: Իսկ ձեզնում ամեն ինչ համայնքին է պատկանում: Աւելի շուտ

կարելի է ձեզ արտել անւանել, բայց արտելի էլ ամեն բանով նման չէք, գոնէ ես այդ չեմ տեսնում: Խնդրում եմ բացատրիր ինձ այդ բոլորը. գուցէ գուշ մի այնպիսի կանոնադրութիւն կամ պայմանագիր ունէք, որի իւրաքանչիւր կէտի բարեխղճօրէն իրագործելը մի նոր բան է ստեղծում:

— Այս, ձեզ, քաղաքացիներիդ համար միշտ ամհրաժեշտ են գրաւոր պայմաններ և կանոններ, բայց մենք այդպիսի բան չունենք, թերևս ապագայում ունենանք: Առայժմ ձևաւորւած, դրած ոչինչ չկայ:

— Բայց ի՞նչպէս կարող են այսքան մարդիկ ապրել միասին, առանց որոշ կանոնադրութեան, պայմանի:

— Ոչ, այդ կարգ ու կանոնը մեզնում կայ, որոշ օրէնքներ մենք ունենք, ասաց Վահանը: Մենք չենք յօրինել այդ կանոնները, այլ աստիճանաբար, զանազան կենսական պահանջների շնորհիւ առաջ են եկել որոշ պայմաններ: Սակայն անփոփոխ, յաւիտենական կանոն չունենք և չի սահմանւած:

— Ուրեմն ի՞նչպիսի կանոններ ունէք:

— Մինչև այժմ մեր գիւղում այսպէս է սահմանւած, որ գիւղի բոլոր ստացւածքը ընդհանուր ընկերական սեփականութիւն է. օրինակ՝ հողը, շինութիւնները, կենդանիները, լծկանը, մեքենաները, գործիքները, հացահատիկները, հագուստը, կերակուրը, փողը և տնտեսութեան

այլ ստացւածքները։ Հաշւի պարզութեան համար մեզնում այդ բոլորը դրամի ենք վերածել։

— Բայց գիւղը հիմնելիս հողը միայն քո անունով է կապալով վերցրած։ բացի դրանից, ինչպէս դու ինքդ ասացիր, ձեր մի քանի ընկերները ունին իրենց շնչի հողը։

— Ճիշտ է, կապալը իմ անունով է, բայց իրօք նա բոլորին է պատկանում։ այդպէս և միւս անդամների շնչի հողերը գտնուում են ընկերութեան տրամադրութեան տակ։ Մեզնից հեռու գտնուող և անյարմար հողերը կապալով ենք տալիս այն գիւղի հասարակութեանը, որին մօտ են գտնուում յիշեալ հողերը։ իսկ ուրիշների հողերը մենք ինքներս ենք մշակում։ այդ հողերի հարկը և միւս ծախքերն էլ մենք ենք վճարում։ Եթէ կապալով տրւած հողը բացի իր ծախքերը աւելի փող է վաստակում, այդ աւելորդը մենք գուռում ենք իրը և հողատիրոջ եկամուտ։ իսկ եթէ հողը իր եկամուտից աւելի ծախք է վեցնում, այն ժամանակ պակասը դուրս ենք գալիս էլի հողատէրից։ Մի խօսքով ընկերութեան իւրաքանչիւր անդամի ստացւած։ քը անդամագրւելուց յետոյ մտնում է միութեան տրամադրութեան տակ, գնահատուում է և նրա բերած օգուտն ու վնասը համնում է իր տիրոջը։ Մենք համոզւած ենք, որ այս ելքը միակն է արտելի յաջողութեան համար, և այսպիսով մենք յաջողութեամբ առաջ ենք տանում մեր միութեան գործը։

Ա. ր ս ե լ ի կ ա զ մ ը.

— Ի՞նչ ձեռվ և ի՞նչ մարդկանցից կազմւեց ձեր ընկերակցութիւնը, հարցը եց Լևոն Արամեանը։

— Ուրեմն մոռացել ես, ասաց Վահանը։ Ես քեզ մի անդամ պատմել եմ այդ։ Ընկերակցութիւնը կազմւեց պատահաբար։ Անապաստան, տնից, հողից զուրկ մարդիկ մէկը միւսի յետևից հաւաքւեցին շուրջա. գրանք մեր շրջանի որբերը, չքաւորները և թշւառներն էին։ Նրանք ինձ հետ կազմեցին մի միութիւն։ Ապա սկզբնական միութեան անդամների թիւը աճեց. եկան նոր տնագուրկ, հողազուրկ և երեմն էլ հողատէր, բայց չքաւոր մարդիկ։ Ապա հաւաքւեցին թէպէտև հողատէր, բայց անտուն, անլծկան, անգործիք ընտանիքներ։ Եւ այդպէս բոլոր չքաւորները միացան։

— Ուրեմն բոլոր անապաստաններին էլ ընդունում էք, թէկուզ նրանք անդամալոյժ, հիւանդ կամ անպէտք լինին։

— Ոչ, բոլորին չենք ընդունում։ Խեղանդամներին, հիւանդներին և մանը երեխաններին և առհասարակ աշխատանքի անընդունակ մարդկանց չենք ընդունում, որովհետև այստեղ աղքատանոց կամ անկելանոց չէ։ Մենք անդամ ընդունում ենք որոշ փորձի ենթարկելուց յետոյ։ Նորեկները փորձի համար մեզ մօտ 2—3 կամ 4

ամիս ապրում են: Այդ միջոցին մենք նրանց ենք ճանաչում և նրանք էլ մեզ. ապա թէ ընդունում ենք ընդհանուրի համաձայնութեամբ: Իսկ ինչ վերաբերում է ընդունելութեան պայմաններին, կամ ընդունելողների առանձնայատկութիւններին, մենք այդպիսի քարացած կանոններ չունենք: Անում ենք և բացառութիւններ, օրինակ՝ մենք ունենք մի հինգամեայ որբ, որը ի հարկէ աշխատանքի ընդունակ չէ: Նա մեր անդամ որբեայրիներից մէկի ազգականն էր, որը ցանկացաւ նրա մասին հոգալ: Պէտք է ձեզ ասեմ, որ մեր շարքերում կան, այսպէս կոչւած, փչացած մարդիկ ևս. դրանցից մէկը ջահէլ ժամանակ երեք անգամ բռնւել է ուտելեղէն գողանալիս. նա դրանով կերակրելիս է եղել իր անշափահաս քոյր ու եղբայրներին. միւսը հարևաններից մէկի թելադրութեամբ ու դրդումով գողացել է մի ուրիշի եզը և յայտնի է եզան գող անունով. Երբորդը, որ հրձիգ անունով է յայտնի, 17 տարեկան միջոցին գաւառական դատարանում անտեղի պատժի դատապարտելուց յետոյ, սարսափելի գրգռւած, խելքը կորցրած դրութեան մէջ հրդեհել է գիւղի խոտերը: Երեքին էլ ամբողջ գաւառում աւազակ— Սիրիրից փախածներ էին անւանում: Նրանց կատաղեցնում, գազան էին դարձնում. մինչդեռ նրանք բարի մարդիկ են: Նախկին գողի հետ ես արտելից առաջ ծանօթ էի: Նա այժմ մեզ մօտ գրագիր է և անպայման մաքուր մարդ:

գողն ու հրդեհողն էլ—երկուսն էլ ազնւութեամբ շատերից բարձր են, իսկ ընդունակութիւններով առանձնապէս աչքի են ընկնում:

— Որքան ժամանակով էք ընդունում անդամներին:

— Ամենաքիչը հինգ տարով. բայց կան 7 տարով և մշտնջենաւոր ապրողներ: Որոշած ժամանակամիջոցը կարող է և կրծատւել, որովհետեւ իւրաքանչիւր ոք կարող է հեռացւել, եթէ ի հարկէ յարգելի պատճառներ երևան գան:

— Ինչու էք հեռացնում. այդ կանոնը ինչու էք ընդունել:

— Ճիշտն ասած այդպիսի կանոն որոշակի չունինք: Մինչև այժմ հեռացրել ենք միայն մէկին, որովհետեւ նա վատ ընկեր էր՝ ծոյլ էր, ընկերներին խաբում էր, տաւարը բաղցած էր թողնում, իրերը փչացնում էր, կողմնակի աշխատանքից խուսափում էր: Շատ անգամ ընկերները յանդիմանեցին, համոզեցին նրան, բայց իզուր: Ծոյլ ու բթամիտ մարդ էր և անուղղելի: Վերջի վերջոյ բոլորի համբերութիւնն էլ հատաւ և դրան հեռացըրին:

— Ցամենայն դէպս անյարմար է արտելի անդամներին հեռացնելու համար որոշ կանոններ չունենալը:

— Ցատ իս՝ նախօրօք հնարաւոր չէ որոշել այն պակասութիւններն ու յանցանքները, որոնց հիման վրայ սրան կամ նրան պէտք է հե-

ոացնել։ Մարդիկ ենթակայ են ամեն տեսակ թերութիւնների, իսկ մեզ մօտ եկողները՝ ևս առաւել։ Նրանք երկար ժամանակ չքաւորութիւն քաշած լինելով՝ ամեն տեսակ ստորացման են ենթարկւել, ուստի ամենավատ յատկութիւններ են իւրացըել. ամեն վատ բան էլ նրանք գիտութեամբ հօ չեն գործում։ Ես արդէն ասացի, որ խոշոր յանցաւորներին դատում ենք արտելի բոլոր անդամների մասնակցութեամբ, սակայն վը-ձիոր իսկոյն և եթ չենք արձակում, այլ յետաձգում ենք։ Եւ, իրօք, շատ յաճախ պատահում է, որ յանցաւորները խոստովանում են իրանց մեղքը. մենք էլ հետևելով ժողովրդական առածին թէ՝ «վայր ընկածին չեն խփում»—ներում ենք։ Իսկ եթէ նախօրօք որոշես յանցանքները և նը-րանց համապատասխան պատիժները, ճարպիկ մարդիկ մատնանշած յանցանքները չեն գործիլ, բայց դրա փոխարէն գաղտնի աւելի վատթար դործեր կը նիւթեն։ Հնուց գիւղացիների մէջ ար-մատացած սովորութիւն է՝ միասին հաւաքւել, ժողով կազմել և ընդհանուր գիւղական գործերը որոշել, միմեանց դէմ բողոքներ լսել, և դրանց որոշումները կամ վճիռները տալ։ Որոշումներն ու վճիռներն անւում են ընդհանրութեամբ և ամեն ոք պարտաւոր է հնապանդւել համայնքի վճուն։ և իբրև արդարադատութեան հիմք ծառայում է «Զայն բազմաց—ձայն Աստուծոյ» սկզբունքը։ Եթէ գուք, քաղաքացիներդ, ներկայ լինէք գիւղական ժողովներին ու տեսնէք, թէ

ինչպէս ազատ, մանրամասնօրէն ու բազմակող-մանի են դատում բոլոր գիւղական հարցերի մասին, կ'զարմանաք։ Գիւղերում, ուր որ սո-վորութիւն չէ դարձել կաշառք առնելը, արդա-րացի որոշումներ են տալիս։ Մեր ժողովներն էլ գիւղական ժողովների նման են։ Մենք, գիւղա-ցիներս, առհասարակ պահանջկուտ ենք հասարա-կութեանը կամ ընկերներին վնաս բերող ամեն բանի վերաբերմամբ։ Գիւղերում յաճախ կլաէք՝ «հարևանաբար» և «առանց վիրաւորելու» (խա-թրին չդիպչել), իսկ մեզնում՝ «ընկերաբար» և «առանց վնասի» բառերը։

Եւ այդպէս ապրում ենք մէկը բոլորի և բոլորը մէկի համար։

XXVI

Բնակարան, կերակուր եւ հագուս.

— Ուրեմն, նշանակում է ձեր ստացւածքը համայնական է. իսկ ուտելիքի, բնակարանի և հագուստի համար ի՞նչ կարգեր ունէք։

— Ուտելիքը բոլորի համար ընդհանուր է և պատրաստում է ընկերակցութեան խոհանոցում։ Հասակաւորն ու երեխաները, բացի ծծկեր երե-խաներից, բոլորն էլ ճաշում են ընդհանուր սե-ղանատանը։ Եօթ տարեկանից փոքր երեխաները առանձին են ճաշում, օրական չորս անգամ և ա-ւելի, միայն թեթև կերակուր է լինում։ Մեծերը

ուստում են օրական երեք անգամ, մեծ մասամբ
բուսեղէն և կաթնեղէն:

— Կարծեմ ձեզ մօտ կերակուրը բաւակա-
նին լաւ և առատ են պատրաստում. ես դոնէ
մեծ հաճութեամբ կերայ:

— Գիւղացիները վաղուց են նկատել, որ
եթէ ուզում ես ձին լաւ քայլի, գարին առատ
տուր. իսկ մարդկանց համար ասում են՝ «ով ինչ-
պէս ուտի, այնպէս էլ բան կանի»: Մենք էլ կուշտ
ուստում ենք, որ լաւ աշխատենք: Եթէ կերա-
կուրները անհամ են լինում, տանտիկիներին
լաւ յանդիմանում ենք, նրանք էլ ամօթից աշ-
խատում են լաւ եփել: Ուրիշ կերպ էլ չի կա-
րելի. չէ որ կերակրի մթերեղէնը փող արժեն,
ինչնւ ի զուր տեղը փչացնենք: Մեր տանտի-
կինները կերակուրը շատ սակաւ են փչացնում,
որովհետև նրանք միմիայն կերակուր պատրաս-
տելով են զբաղւում: Իսկ զիւղերում այդպէս չէ.
այնտեղ կանայք թէ հաց են թխում և թէ կե-
րակուր պատրաստում. դրա համար էլ նրանց
կերակուրները յաճախ անպէտք են լինում:

— Իսկ ընտանիքաւորները իրենց երեխա-
ների ընդհանուր սեղանատանը ճաշելու և իրենց
առանձին բնակարանների համար չեն վճարում:

— Ոչ. աւելորդ ոչ մի կոպէկ չեն վճարում:
Ընկերները այդ աւելորդ ուտողներից շատ էլ
չեն վեաւում և յանցանք կ'համարէին ընտանի-
քաւորներից նրանց երեխաների համար փող
վերցնել: Իսկ ինչ վերաբերում է առանձին բնա-

կարաններում ապրելուն, այդ հենց ամուրիների
յարմարութեան համար է արուած, որ երեխա-
ները նրանց քունը չխանգարեն ու չը ձանձրաց-
նեն:

— Իսկ եթէ մէկը ուզենայ մի քաղցը բան
ուտել, մէկին հիւրասիրել, հրաւէր սարքել...

— Ամեն ոք կարող է անել այդ իր սեպհա-
կան դրամով: Իսկ եթէ մէկի մօտ դործով, կամ
տեսնելու համար մարդ է գալիս, այդպիսի հիւ-
րերը հիւրասիրում են ընդհանուր սեղանատա-
նը: Առհասարակ լի օրերը շատ քիչ է պատա-
հում, որ հիւր ունենանք: Մեզնում, ինչպէս և
բոլոր գիւղացիների մէջ, միայն որոշ տօների են
հիւրեր գալիս:

— Իսկ հագուստը, կարծեմ ամեն մէկինը
իր սեպհականն է:

— Բանտորական հագուստը—ընդհանուր է:
Իսկ եթէ մեր շորերը, հակառակ քաղաքի բարե-
գործական տներում ընդունւածի, տարբեր կը-
առորներից է, այդ նրա համար է, որ սեր դեր-
ձակներն ամեն մէկի ճաշակին յարմար են կա-
րում, բայց կտորների գինը և տեսակը նոյնն է:
Բայց որպէսզի մարդկանց ճաշակի վրայ չ'ըր-
նանանք, տօնական հագուստը ամեն մարդ իր
սեպհական դրամով և ցանկութեամբ է գնում:

Աշխատանքի բաժանումն:

— Ես տեսայ, որ դաշտային աշխատանքները միասին են կատարւում, ասաց Արամեանը. բայց արհեստով պարագելու և ուրիշների համար աշխատելու ի՞նչ կարգ է որոշւած:

— Այդ աշխատանքներն էլ ընդհանուր են հաշմարւում, ասաց Զաքարեանը: — Արհեստով ամեն մէկը զբաղւում է պարագ ժամանակը, ինչքան որ ցանկանում է:

— Բայց ով և ի՞նչպէս է բաժանում ընկերներին՝ դաշտային, արհեստի և կողմնակի աշխատանքները:

— Արհեստներն ընկերները իրենց մէջ բաժանում են ընդհանուր խորհրդակցութիւնների ժամանակ՝ իւրաքանչիւրի ընդունակութեան համեմատ: Բոլոր աշխատանքների բաժանման համար տարեկան երեք կարգադրիչներ են ընտրւում: Սրանք աշխատանքը բաժանում են տարւայ եղանակների, ամիսների կամ շաբաթների վրայ. մօտաւորապէս որոշում են, թէ՝ իւրաքանչիւր աշխատանքի համար քանի՞ օր և քանի՞ աշխատող ձեռք է պէտք:

Աշխատանքը որոշ օրերում կատարելու կարգադրութիւնը անում է կարգադրիչի օգնականը, որը «օրապահ» է կոչւում: Օրապահները ամեն շաբաթ փոխուում են: Աշխատանքները կա-

տարւում են սրանց նշանակած կարգով. բայց աշխատանքի ընթացքում թէ կարգադրիչները և թէ օրապահները կատարում են միայն ցերեկ-ւայ աշխատանքը:

— Ուրեմն աշխատանքը բաժանելու համար ամեն օր ժողով չի գումարւում:

— Այդպիսի ժողովները միայն զուր ժամանակ կիրէին և կարգը կիսանգարէին, պատասխանեց վահանը: — Դրա համար բաւական են այն ժողովները, ուր բոլորի ներկայութեամբ աշխատանքը բաժանուում է ամիսների և շաբաթների վրայ: Ապա բոլոր դաշտային, արհեստի, օրապահների հերթապահութիւն, գիւղի գիշերապահութիւն, խոհանոցի համար ջուր կրել, խոհանոցում հերթապահութիւն անել և այլ աշխատանքները, մի շաբաթ առաջ, շաբաթական ժողովի ժամանակ յայտարարւում է, և նախորդ օրը ամենքին էլ յլշեցնուում: Այ, հենց երէկ երեկոյ գրագիրը այսօրւայ աշխատանքի կարգը յայտնեց:

— Ուրեմն, ձեզնում, այնուամենայնիւ, կան կառավարողներ. բայց ցանկալի էր իմանալ, թէ էլ ուրիշ ի՞նչ կարգեր կան ձեզնում:

— Ինչպէս արդէն ասացի, մեզնում, ինչպէս և բոլոր գիւղերում, գործերը վճռւում են գումարւած ընդհանուր-համայնական-ծխական ժողովներում: Համայնական ժողովը մեր գլխաւոր կառավարութիւնն է կազմում: Ինչ որ ժողովում որոշում է, նոյնն էլ իրագործւում է:

Հենց այդ կանխաւ որոշւած գործերը ի կատար ածելու համար՝ յատկապէս ընտրւում են որոշ կարգադրողներ:

XXVIII

Կառավարողները եւ լուսաւորութեան գործին ծառայողները.

— Ի՞նչպիսի ընտրովի պաշտօններ ունեք, շարունակեց Լևոն Արամեանը:

— Այդպիսի պաշտօնները մի քանիսն են՝ ընկերակցութեան գործերի հաւատարմատարը, ուսուցիչը՝ մինոյն ժամանակ և գրադարանապետ, սպառողական ընկերութեան անդամը, գանձապահը, խնայողական ընկերութեան անդամը, ապա աշխատանքի երեք կարգադրիչներ և գրագիրն ու նրա օգնականը։ Դրանցից իւրաքանչիւրը պէտք է իրագեկ լինի և հոգայ մեր բոլոր գործերը։ Նա անպայման մասնակցում է ընկերակցութեան բոլոր գումարումներին, ընկերութիւնից լիազօրւած է և հաւատարմաթուղթ ունի բոլոր գործերը տնօրինելու և կառավարական հիմնարկութիւնների հետ յարաբերութիւն պահպանելու։

— Հաւանականօրէն՝ այդ դու ես։

— Այո, ես եմ, — պատասխանեց Վահանը։ Ուսուցչի մասին էլ պէտք է ասեմ, որ նա անդամագրւել է մեր ընկերակցութեանը և միան-

գամայն լաւ ու տեղեակ անձն է։ Նա ձմեռները երեխաների հետ պարապում է, իսկ ամառը շաբաթւայ մէջ երեք օր մեզ հետ աշխատում է դաշտում, չորրորդ օրը երեխաների հետ զբունելում է գնում, կամ կարգում է։ Կիրակի օրերը գրքեր է կարգում մեզ համար, իսկ մնացած օրերը իրան համար գրում է կամ կարգում։

— Ինչու նրա հետ ինձ չես ծանօթացնում։

— Նա հիմա այստեղ չէ. գնացել է իրենց գիւղը ամուսնանալու։ Ցաւում եմ, որ նրա հետ չծանօթացար, մի հազւագիւտ մարդ է։ Եւ որ ամենազլիսաւորն է՝ մեր համայնքի համար շատ լաւ ուսուցիչ է։ Այդ ես փորձով տեսայ։ Նրանից առաջ մենք մի ուրիշ ուսուցիչ ունեինք։ Բայց նրա ու սրա մէջ սար ու ձոր կայ։ Երբ հողը կապալով վերցը, որոշեցի նոր-գիւղում դպրոց բանալ, լաւ իմանալով, որ առանց ուսման ընկերակցութիւնը թոյլ կլինի և կըայքայւի։ Ամառը շրջակայ ծ գիւղերի համայնքը միամին խնդիր ներկայացրինք, որ մեր նոր-գիւղում իրեւ կենտրոնում՝ դպրոց բանանք։

Ես կարապետեանների ամենամեծ տունը ձրիաբար յատկացը ուսումնարանին, իսկ ուսուցչի ծախքը հոգում է ծ գիւղերի համայնքը իրենց ծխի համեմատ։ Ես հոգեոր կառավարութեանը խնդրեցի, որ մեզ համար մի լաւ ուսուցիչ ուղարկի։ Ուղարկւած ուսուցիչը կրթւած և գիտակ մարդ էր երեսում։ Նա շատ շուտով կար-

դաւ-կըել սովորեցրեց երեխաներին. ամեն բան լաւ բացատրում էր. Սովորեցրեց թւաբանական չորս գործողութիւն և տարրական այլ գիտելիքներ. մի խօսքով ամեն ինչ անում էր կարգին և լրջօրէն: Աշակերտները դասարանում այնպէս էին լուռ նստում, որ ճանձի տղզոցն անգամ կարելի էր լսել: Առաւօտները հինգ ժամ պարապում էր երեխաների հետ, իսկ երեկոները՝ 2 ժամ գիւղի հասակաւորների հետ: Բացի դրանից աշակերտները տանն էլ ամբողջ ժամանակ դաս էին պատրաստում՝ անզիր էին անում, խընդիրներ վճռում, գրքից արտագրում: Քննութեան ժամանակ աշակերտները գրում էին ուղիղ, առանց «» ու «» տառերը իրար հետ շփոթելու, բարդ խնդիրներ էին վճռում. կարդում էին յօդւածը, մի քանի մասի բաժանում, բառերը բացատրում և սկսում «իրենց խօսքերով» պատմել: Քննողը թեմական տեսուչն էր. նա հիանում էր ուսուցչի տաղանդով և խոստացաւ քաղաքում տեղ գտնել նրա համար:

— Բայց, վահան, այդ ուսուցչից կարծես թէ ինքդ դժգոհ ես:

— Ճիշտն ասած, եղբայր, ես դժգոհ էի նրանից, որովհետև երեխաներին չոր ու ցամաք առարկաներ էր անզիր անել տալիս, բարդ խընդիրներով ծանրաբեռնում նրանց ուղեղը, առանց աշխատելու նրանց մտաւոր աշխարհահայեացքը ընդարձակելու, միտքը զարգացնելու: Օրինակ մարդու զբայարանքների, կենդանիների, բոյսե-

րի, օդի, արևի և ուրիշ այլ բաների մասին երեխաները ոչինչ չէին իմանում. իսկ աւելի սարսափելին այն էր, որ աշակերտները մեր գրադարանից չէին օգտուում, գրքեր չէին կարդում:

Ճիշտն ասած, այս բանը ինձ շատ տիրեցրեց: Հենց այդ ժամանակները մեր գիւղի մասին մի յօդւած լոյս տեսաւ լրագրում, որից յետոյ ես մի ուսուցչից նամակ ստացայ: Նա գլուխ էր, որ լրագրում նոր գիւղի մասին կարդալով ցանկանում է գալ մեզ մօտ. Եթէ մենք նրան, նա էլ մեզ դուք գայ, ընկերակցութեան մէջ կմտնի: Իս ի հարկէ համաձայնւեցի: Ամառը նա եկաւ մեզ մօտ, ապրեց մինչև աշուն, մեզ մօտ ուսուցչի եղաւ, ապա և ընկերակցութեան մէջ մտաւ: Միսակ Սահակեանը (այսպէս էր նոր ուսուցչի անունը) բոլորսվին ուրիշ տեսակ ուսուցիչ էր:

Աշնան լաւ եղանակներին նա աշակերտների հետ դպրոցում պարապում էր միայն երկու ժամ, իսկ 5—6 ժամ՝ աշակերտներով շրջում էր դաշտերում և մարգագետիններում: Երեկոյեան նըրանք վերադառնում էին, բերելով իրանց հետ զանազան քարեր, հող, բոյսեր, պտուղներ, որդեր, բզէզներ: Իսկ վատ եղանակին և ձմեռը չորս ժամից աւելի չէր պարապում. մնացած ժամերին կամ ինքն էր աշակերտների համար գրքեր կարդում, կամ նրանց կարդացածը լսում:

«Է՞ն, ասում էի, քննութեանը աշակերտները կտրւելու ենք: Բայց այդպէս չեղաւ: Աշուկերտ-

ները հրաշալի կարդում և գրում էին, լաւ հաշուում, կտրուկ և համարձակ պատմում, բայց որ գլխաւորն է՝ արտաքին աշխարհի մասին շատ տեղեկութիւններ ունէին: Հասակաւոր աշակերտներին վարժապետը միանգամայն կախարդել էր: Հենց որ մինում էր, բոլորը վազում էին դահլիճ, գրում, հաշուում, իսկ աւելի յաճախ մինչև ուշ դիշեր կարդում կամ լսում էին ուսուցչի կարդացածներն ու պատմածները: Ամենքս էլ կարծես թարմացել էինք: Փոքրերը աւելի կայտառ և հարցասէր էին դարձել: Ընթերցանութեան գրքերը իրար ձեռքից խլում էին: Հասակաւոր գիւղացիները սկսեցին աւելի հետաքրքրուել ընկերակցութեան գործերով, աւելի բազմակողմանի դատողութիւններ տալ, ջանասիրութեամբ աշխատել: Բոլորն էլ իրար հետ աւելի մտերմացել էին և ընկերական կապերով շաղկապել: Մանր-մունը կոխւներ բոլորովին չէին լինում: Միսակ Սահակեանը մեր կեանքում մըտցրեց՝ խոհականութիւն, գիտութիւն, բարութիւն և աշխոյժ: Առանց նրան, ինչ որ հիմա տեսնում ես, սրա կէսն էլ չէինք անի: Պէտք է խոստովանւել, որ նախկին և հիմիկւայ վարժապետները այնքան են տարբեր միմեանցից, ինչքան արեն ու լուսինը, մարդն և իր ստերը: Միսակ Սահակեանը ինքը սիրում էր գիտութիւնը և իր աշակերտների մէջ էլ վառեց այդ գիտութեան լուսատու ջահը, իսկ առաջին ուսուցիչը աշա-

կերտներին պատրաստում էր միմիայն քննութեան համար:

Միսակ Սահակեանը իսկապէս որ լուսաւորեց թէ մեր և թէ երեխաների մտքերը, իսկ առաջին վարժապետը նման էր արհեստաւորի և այն էլ վատ ու վասակար արհեստաւորի: Բացի այդ, բոլորովին հասկացողութիւն և սէր չունէր դէպի գիւղատնտեսական գիտելիքները. իսկ վերջինս, ընդհակառակը. գիւղացիք սիրով զրոյցներ են անում նրա հետ և միշտ իրար լաւ հասկանում: Սա իր կըթութիւնը ստանալուց յետոյ երկու տարի պարապել էր գիւղատնտեսական դպրոցում և ստանում է «Նոր-Դպրոց», «Գիւղատնտես»...

XXIX

Հաշագործ ոյժերը.

— Բայց ասա ինձ, Վահան, ի՞նչպէս կարողացար գու մարդկանց միացնել մի այսպիսի ընկերակցութեան մէջ:

— Քեզ արդէն յայտնի է,—պատասխանեց Վահանը, որ երբ ես գաւառում շրջում էի, ինձ հետ միացան անտուն-անտեղ մարդիկ, այսպէս կոչւած գիւղերի տականք համարւածները: Մի կողմից կեանքի դառնութիւնները, միւս կողմից ապագայի վարդ յօյսերը ստիպեցին այդպիսիներին միանալ մեզ հետ: Այդ յօյսերը մասամբ

իրականացան։ Ամեն մի նոր անդամ, մենակութեան փոխարէն գտնում էր շատ ընկերներ, անգործութեան, պարապութեան փոխարէն նա ունենում էր մշտական աշխատանք, հասարակութեան անվստահութեան փոխարէն նա այժմ ունէր ընկերների և ապա բոլոր մարդկանց վստահութիւնը։ Եւ այդ թշտառականները նոր միայն համոզւում էին, որ միութիւնը ոյժ է և բոլոր բարիքների մայրը։

— Բայց եթէ հաւաքենք մի 10—20 անտուն-անտէր թափառականներ և նրանց ասենք այդ, հազիւ թէ նրանք միանան։

— Ի հարկէ չեն միանալ։ Ճնշւածները, չքաւորները, արհամարհւածները ընդհանրապէս կասկածով են վերաբերւում ամեն բանի, մանաւանդ՝ քաղցր խօսքերին։ Սակայն նրանք շատ շուտ են զգում դէպի իրենց ցոյց տւած ամենաչնչին վստահութիւնը, սէրը և յարգանքը։

Ես նրանց կատարեալ հաւատ էի ընծայում։ Նրանք հաւաքւեցին իմ շուրջը, որպէս իրենց հարազատի։ Բայց նրանց ընկճւած ոյժերի վերակենդանութեան համար հարկաւոր էր՝ որոշ գործ, գիւղացիական կեանք։ Նրանք հողի զաւակներ էին և շատ խորը կապւած նրա հետ։ Այստեղ օգնութեան հասաւ մեր վերցրած հողամասը։ Հենց որ հող, տուն, կենդանիներ ձեռք բերեցինք, կարծես թէ բոլորը վերածնեցին։ Թշտառների մէջ ինչքան որ լաւ յատկութիւններ կային՝ յայտնւեցին, երեան եկան։

Վերջապէս նրանք ազատ շունչ քաշեցին, ոյժ և յարգանք զգացին իրենց մէջ, ելքը գտան։ Բոլորը սկսեցին աշխատել։ Աշխատում էին թէ իրենց և թէ ուրիշների համար, առանց յոգներու։ Օ՛, եթէ այն ժամանակ դու մեղ տեսնէիր։ Մրջիւնների պէս ամբողջ օրը աշխատում էինք դաշտում։ Ամեն մէկը իրեն մի հսկայ էր կարծում։ Ապա հանդէս եկաւ և դպրոցի կարիքը։ Թէպէտև առաջին վարժապետը բոլոր ուսումը դառնացրեց, բայց երկրորդը քաղցրացրեց։ Նրա ընթերցանութիւնը, դաշտերում, հանգում արած պատմութիւններն ու պարզաբանութիւնները բոլորի աչքը բացին։ Եւ այն բոլորը, ինչոր մինչեւ այդ խաւարով էր ծածկւած՝ պարզեց, փայլեց, դարձաւ հասկանալի, սիրելի, հարազատ։ Երիտասարդութիւնը աշխոյժ ստացաւ, քաջալերւեցին կեանքից հալածւած և ընկճւած բոլոր ընկերները։ Նոյն իսկ մեր ծերունիներն էլ ըսկեցին սովորել։ Նրանք բոլորն էլ գրել-կարդալ սովորեցին և ջանէլներից աւելի սիրով են մասնակցում երեկոյեան և կիրակնօրեայ ընթերցանութիւններին։

Դիտութեան լոյսը նոր եռանդ բերաւ։ իսկ եռանդը տամնապատկեց ոյժերը։ Բայց մեր ընկերակցութիւնն ամրապնդւեց մեր նոր ուսուցիչ Միսակ Սահակեանի մեղ տւած գիտութեամբ և զարգացումով։ Նա նոյն իսկ երազումէ, որ մեր անսապատանների նոր-գիւղը օրինակ կը դառնալ Կովկասում ուրիշ շատ այդպիսի գիւղերի,

որոնց շնորհիւ մեզանում՝ չեն լինի անտուն-անտէր և անհող մարդիկ։ Նա, ի միջի այլոց, հարեան գաւառում տեսել է մի մեծ արքունական հողամաս, որտեղ մտադիր է մի մեծ զիւղ հիմնել մեր նոր-գիւղի ձևով։ Այդ գիւղը նա մտածում է բնակեցնել սկզբում այստեղի բնակիչներով, թէպէտե պէտք է ասեմ, որ ազատ հողերը ուուս գաղթականներին են տալիս։ Հեռն Արամեանը մի ամբողջ շաբաթ ապրեց նոր-գիւղում և տուն վերադարձաւ հիացած նրա կեանքով ու կարգերով։

Մնաս բարեի ժամանակ նա ասաց.

— Կովկասը երջանիկ կլինէր, եթէ բոլոր հողագործները ապրէին, աշխատէին և լինէին այնպէս, ինչպէս նոր-գիւղացիներն են, և աւելի երջանիկ կը լինէին, եթէ նրանք իրենց սկզբունք դրած լինէին իսկական կօօպերացիայի գաղափարները իր ոռչղելեան հիմունքներով։

ՎԱՀԱՆԻ ՆԱՄԱԿԻ ԻՐ ԸՆԿԵՐ ԱՐԱՄԵԱՆԻՆ

Սիրելի՛ եղբայր.

Դուք շտապով հեռացաք, և ես չկարողացայ իմ սիրան ամբողջովին բանալ ձեր առաջ։

Մենք շրջապատւած ենք խաւար ամբոխով, ոք ոչ կրթւած է և ոչ դաստիարակւած։ այդ ամբոխը կազմակերպւած չէ, չունի զեմստւօ և

Խուսաւորւած ու զիտութեան պաշարով լաւ զինած ուսուցիչներ և քահանաներ։ Մեր ժողովուրդը այդ պատճառով էլ աղքատ է և աղէտու Մէկից առաջանում է միւսը։

Մի կողմից անհողութիւնն ու սակաւահողութիւնը, միւս կողմից էլ ծայր տւած գաղթականութիւնը իսպառ թուլացնում, մահան դուռն են հասցնում հայ գիւղացիութեանը։ Հողը ուժասպառ է եղել գիւղատնտեսական միջոցները հնացել են, շատ տեղեր ջուրը սակաւ է և կազմակերպւած օգնութիւն ոչ մի տեղից չկայ այդ բոլորը բարելաւելու համար։

Շատ է գրւել հողային բանկի մասին։ հարուստները կարող էին այդ ուղղութեամբ մեծ գործ կատարել, բայց նրանցից ոչոք գիւտակցական բայլ չի անում։ Ժամանակն անցնում է, ժողովուրդը աղքատանում և բայրայւում է ու թաղում աւելի թանձր խաւարի մէջ։ Անդրկովկասում գտնող 1500 հայ գիւղերից մօտ 400-ը միայն ունեն ծխական դպրոցներ, որոնց մեծ մասը միդասեան են։ Շնորհիւ ճանապարհների հաղորդակցութեան վատութեան, լրագրի ու ընթերցարան-գրադարանների բացակայութեան գրել-կարդալ սովորածներն էլ իրենց իմացածը մոռանում են։

Մեր հարեան վրացի եղբայրներն իրենց չողային Բանկի (Ազնւական) շնորհիւ մեծ յարմարութիւն և միջոցներ են ստանում լաւ հիմքերի վրայ դնելու, ինչպէս ընդհանուր կրթու-

թեան գործը, նոյնպէս և հողային խնդիրը: Բան-
կի տւած օգուտը մեծ է, որից մենք իսպառ
զուրկ ենք:

Հայ տպագրութեան 400 և տառերի գիւտի
1500 ամեայ յոբելեանի յիշատակին, հիմնւած է
Դպրոցական ֆոնդ. ժամանակը պահանջում է,
որ հիմնենք և Հողային ֆոնդ, և անհրաժեշտ է,
որ այդ իրագործւի հենց այսօր, թէ չէ վաղը
ուշ կը լինի. թող ամենըը լաւ զիտակցեն այդ:

Մեր վանքապատկան հողերի մշակումը կա-
նոնաւորելու խնդիրը մեծ գեր կարող է խաղալ:
Այդ հողերը կառավարող կազմակերպւած առան-
ձին վարչութիւններ չկան, հենց այն պատճառով,
որ ժողովուրդը թոյլ և թերի հասկացողութիւն
ունի հողերի և գիւղատնտեսութեան մասին: Ե-
թէ մենք ունենայինք գիւղատնտեսական կըր-
թութեամբ զինւած երիտասարդութիւն՝ մեր այդ
պակասը լրացած կը լինէր, որովհետև հողի սի-
րով լցւած՝ նրանք սրտով կը կպչէին այդ գործին:

Անհրաժեշտ է մեր թեմական և երկդասեան
դպրոցներին կից գիւղատնտեսական դասընթաց-
ներ ունենալ, ինչպէս արդէն մի քանի տեղ
բացւել են. այդ երիտասարդները մեծ գեր կը
խաղան ի միջի այլոց և ապագայ զեմստոյի
մէջ և կը տարածեն կօպերացիայի հիմունքնե-
րը: Անա մի մեծ գործ հայոց Գիւղատնտեսական
Ընկերութեան համար. նա իր կարող ձայնը պէտք
է բարձրացնէ մեր վանքական կալւածքների մշա-
կութեան գործը կանոնաւոր հիմքերի վրայ դնե-

լու: համար: Այդ ընկերութեան հետ և ժողովուր-
դը կարող է եռանդով ձեռնարկել Հողային ֆոն-
դի իրականացմանը:

Միրելի կան, գուցէ երկարացը նամակս,
բայց պէտք է աւելացնեմ, որ մեր գիւղի համար
մի օրիորդ ընտրեցինք և ուղարկեցինք քաղաք,
որ մանկաբարձական-ֆէլգէրական դասընթաց-
ներում սովորի ու վերադառնայ մեզ մօտ. դի-
մեցինք և Հայոց Գիւղատնտեսական Ընկերու-
թեանը, որ մեզ համար մի գիւղատնտես հրա-
հանգիչ (ինստրուկտոր) ուղարկէ մեր հաշով:
Արդէն մեր գիւղական բաղնիքը պատրաստ է,
որտեղ լողանալու բաղդը չունեցաք: Մեր քա-
հանան երկու ամսով քաղաք է գնացել լսելու և
ուսումնամասիրելու հիւանդին առաջին օգնութիւն
հասցնելու դասընթացները, ինչպէս և ծաղիկ
կտրելը: Արդէն մեր հարևան գիւղերը որոշ հա-
մաձայնութեան են եկել՝ հիմնելու մի փոքրիկ
գիւղական հիւանդանոց՝ 7 մահճակալով, որ կը
նստի. 6—7 հազար բուլք:

Վերջացնում եմ նամակս համոզւած լինե-
լով, որ Հողային ֆոնդի գաղափարը կը տարա-
ծես բո քաղաքացի ընկերութիւն, որով
մեծ օգնութիւն արած կը լինես քաղաքից բա-
ժանւած մեր խեղճ գիւղացիութեանը: Դուք
տեսաք, թէ ինչպէս մենք քրտինք ենք թափում
և անխոնջ աշխատում, բացէք մեզ և լուսոյ ձա-
հանալարնք: Մեր դուները բաց է բոլոր անտուննե-

ըի համար: Մի մոռանաք մեզ, գոնէ ամառներն
այցելեցէք մեր գաւառները:

Ձեզ սիրող Վահան

Յ. Գ. Մոռացայ նամակիս մէջ իր տեղում
միշել մեր՝ գաւառացիներիս իղձը: Մենք կարդա-
լու շատ քիչ բան ունենք, մանաւանդ յետ ենք
մուսմ ընթացիկ կեանքից: Շատ մեծ կարիք է
զգացւում մի ժողովրդական, պարզ լեզով հրա-
տարակւող պատկերազարդ հանդէսի, որ իր մէջ
պարբերաբար պարունակէր Պետական Դումայում
արծարծւող հարցերը, ժողովրդին մատչելի
դարձնէր կօօպերացիայի, տպագությունից
գաղափարները, ցոյց տար նրա անհրաժեշտու-
թիւնն ու ղեկավարող դերը կեանքի մէջ, և առ-
հասարակ այդպիսի մի հանդէսի մէջ ամփոփւէր
զիւդատնտեսական, առողջապահական ու քաղա-
քական բազմատեսակ խնդիրներ:

Մի այսպիսի հանդէս, հարկաւ, պէտք է
մատչելի լինի թէ իր գնի և թէ լեզուի կողմից,
որ ամեն մի հասարակ ընտանիքի մէջ ևս մուտք
գործել կարողանայ:



ՀՐԱՏ. ԹԺ. Ա. ԲՈՒԺՈՒՋԵԱՆԻ

Հայ ապագրութեան 400 և տաւերի Գիւտի 1500-ամեայ
յօրելեանի յիշաւակին

1) Կորած Սարը և

Ոսկէ Կուռքի գանձը	20 կ.
2) Փոքրիկ պատմւածքներ	20 կ.
3) Գորիլա և ուրիշ պատմւածքներ	20 կ.
4) Երեք պատմւածք	20 կ.
5) Անտառի զաւակներ և ուրիշ պատմւածքներ	20 կ.
6) Կրթական ճանապարհորդութիւն	20 կ.
7) Պէտք է հետեւ	20 կ.

Մամուլի ռակ Է

8) Օրիորդ Ֆրիկետաւ.

Հայոց Կոյս

Յ. Գ. Այս գիրքը պատրաստ էր տպագրութեան, երբ հայ ժողովրդի հաստաթիմ զառակ՝ Սիմեոն Զաւարեանի անակնկալ մահան զայժր կայծակի աբագութեամբ տարածեց ամենուրեք՝ խոր սուզի մէջ համակերպ ամեն մի հայի, ոստի ներկայ հրատարակութիւնը նույնութեան նրա անմոռանափ յիշատակին:

«Արցոնքներն ու ցուակցութիւնները չեն, որոնցով պիտի զնահատեն ու անմեն պահեն հասարակական որեւէ գործչի յիշատակը, այլ այն գործի օւրունակութիւնը, որի կը ու ճանապարհին՝ ընական օրէնքի համաձայն՝ հանգստանու է մշակ գործիւը»:

Հրատ.

Դին լ-20 հազ.

2013



